

Go ipobola
dibe ga notho
ka o tee, ka
nohlakanelwa le
setshaba kamoka

Khalentara ya natsatsi
a 50 hlano a thapelo

“Setšhaba sa ka se se bitšwago ka leina la ka, ge se ka ikokobetša sa rapela sa nyaka sefahlego sa ka, sa lahla ditsela tše mpe tša sona, gona ke tlo ba kwa ke le legodimong, ka ba lebalela sebe, ka fodiša naga ya bona.” 2 Koronika 7:14

Go Hlatšwišiša ga Afrika Borwa ka dibe tše e di dirilego go Morena

Lefase ka bophara Bakreste bana le tlala ya go ba le kgwerano ye telego le Morena Modimo. Se se hlohleletšwa ke thapelo le go nyaka sefahlego sa Morena. Bakreste ba na le morwalo ka gare ga dipelo tša bona, kage ba bona mediro ya bosinyi e tšwela pele, go swana le dipolao, bootswa le tše dingwe. Batho ba bangwe ba nyamile kudu ka se se diragalago. Mo dinakong tša go swana le tše re hloka go tseba Modimo o re mo rapelang, ka gobane ke Modimo yo a sa palelwego ke selo. Modimo wa rena ke Modimo yo a kgonago le mo tshepo e fedilego. Modimo a ka seke a re tlogela goba a re lebala. Go ya ka lentšu la gagwe o file kereke ya gagwe tsela ya go tšwelela mo mathateng. Go swana le se naga ya rena Afrika Borwa e kopaneng le sona, go swana le bohloki, malwetši, go hloka molao le tše dingwe. Selo sa bohlokwa se Morena a se nyakago mo go rena ke gore, re be le tumelo ka lebaka la gore ntle le tumelo re ka se kgone go kgahla Modimo. Ka tumelo e nnyane dithaba dika šutišwa.

Modimo o dira go ya ka melao. E boletšwe gabotse ka gare go puku e kgethwa gore ge go nale sebe ka gare ga maphelo a rena goba ge setšhaba se sentše pele ga gagwe, a ka se arabe dithapelo tša rena goba a tšhollela tšhegofatšo ya gagwe go rena. Tsela e tee ya go mmatamela ya go tšwa mo dibeng ke gore re sokologe. Modimo o kgahlwa ke dipelo tše di sokologilego. Bothata bjo renogo le bjona mo bathong ba rena lehono ke gore ga re tsebe gore re sokologe mo kae. Re tlwaetše sebe, mo e lego gore ga re sa šomana le sona ka tsela ya lentšu la Modimo. Re gomana le mabaka a go dira dilo tšeo Modimo a di hloilego, gape re emetše gore Modimo a batamele mo kgauswi le rena lege re dirole dibe. Melao ya Modimo mabapi le bokgethwa e ya bonagala, gape re hloka go lebelela ka gare ga mahlo a Modimo gore re ipone, rena le batho ba rena (re itekanye rena le batho ba re phelago le bona kgahlanong le lentšu la Modimo) re tle pele ga Modimo ka go sokologa.

Beibele e ya hlaloša gore dinyakwa tša tshwarelo ya dibe ke go sokologa. Go na le dibe tše dingwe tše di na go le tshwaetšo mo nageng, go ya ka Beibele dibe tše di tšhilafatša naga, le Modimo o tloša mogau wa gagwe mo nageng. Dilo tše nne tša sebe tše re tlo di lebelela ke: tšhologo ya madi, go se itsuware ga botse ka tša thobalano, di kgwerano tše di robegilego le go rapela medimo e šele. Karolo e ungwe le e ungwe ya sebe e tla hlalošwa ka botlalo le mohlala wa thapelo mabapi le dibe tše.

Go Tloša Bosenyi

Lebaka leo Kriste a ilego a hlokofatšwa le go tsoga bahung, ke gore tshokologo le tshwarelo ya dibe e rerwe dinageng ka moka (Luka 24:46,47). Paulo le Baapostola ba ile ba kwalakwatša molaetša wa tshokologo, ge ba tšea leeto ba feta Roma. Go e tee ya ditoropo, Efeso, thero ya Paulo ka tshokologo e ile ya tliša poelo go Morena, mme ba ile ba fiša dipuku le ditlabakelo tša maleatlana (Ditiro19:19). Se se ile sa tliša kamo mo setšhabeng, le bao ba beng ba šomišana le Diana (Artemis) ba ile ba lahlegelwa ke moraka wa bona wa go rapela medimo e šele. Tsela ya Modimo ya go bušetša batho go yena le go tloša bosenyi ke tshokologo.

Testamenteng ya kgale batho ba Modimo ba be ba tloša le go senya dilo ka moka tšeo di ba kgaoganyang le Modimo (Diterenomi12:2-4) gore ba kgone go khunamela Modimo fela. Modimo o ba tshepišitše gore ge ba ka tlogela go mo latela mme a ba hlokofatša ka go se obamele ga bona, gore ba boye go yena ba swanetše go ikokobetša pele ga gagwe, ba rapele ba nyake sefahlego sa gagwe ba tloge ditseleng tša bona tše mpe, Modimo o tla kwa go tšwa legodimong, a ba swarele dibe a ba a fodiša naga ya bona (2Bakoronika 7:14). Go Baheberu 9:22 re badile ka dilo tše hlatswiwago ka madi, mme ka ntle le tšhologo ya madi ga gona tshwarelo ya dibe. Testamenteng ya kgale Modimo o file batho ba gagwe mokgwa wa go dira dihlabelo go ba thuša ge ba dirile dibe kgahlanong le Modimo, le magareng a bona. Ga tee mo ngwageng, Moperisita o mogolo o be a tliša moneelo, o bitšwago Sehlabelo sa Tebalelo (Lefitika 16). Madi a sehlabelo seo ke go tšea kamoganyo ya lefelo la kgalalelo (pele ga setolo sa kwelo bohloko) ka lebaka la go tshelafala ga bana ba Isiraele, le ka lebaka la dibe tša bona. Ka morago ga ge Moperisita o mogolo a gašitše madi godimo le pele ga setolo sa kwelo bohloko, o be a swanetše go tliša boipolelo bja dibe tša batho. Sehlabelo se se be se swanetše go tlišwa ga tee ka ngwaga, se be se šireletša batho go kgalalelo ya Modimo.

Go Baheberu 9:11 re bala ka Jesu a etla bjalo ka Moperisita o Mogolo, a tsena mo lefelong la Sekgethwa Kgethweng sebakeng sa rena. Ga se a tla ka madi a dipudi le dikgomo, empa ka madi a gagwe. Ga a swanela go e dira kgafetšakgafetša, empa o dirile ga tee ya ba bofelo. Madi a Jesu a neetše kgwerano e mpša (1Ba-Korinthe 11:25,26) mme ka madi a gagwe o ile a dira tsela ya go tloša sebe (Ba-Heberu 9:26). Madi a dikgomo le dipudi ga a tloše dibe, empa madi a Jesu a kgona. Ka madi a Jesu re ka uwetša tshwarelo ya dibe, mme ga re sa hloka go tliša moneelo wa dikgomo le dipudi. Ka morago ga sehlabelo, Jesu o ile a dula fase ka letsogong la goja la Modimo, a emela gore manaba a gagwe a fenywe pele ga gagwe (Ba-Heberu 10:12,13). Ka lebaka la se Jesu a se dirilego, re na le tokelo ya go ya teroneng ya mogau (setulo sa kwelo bohloko) legodimong (Ba-Heberu 4:16), gore re humane thušo ka nako e re e hlokago. Madi a Jesu a tšhologilego legodimong pele ga

terone ya mogau, se ke bohlatse bja gore tshwarelo ya dibe e gona go batho ba ba tlogo pele ga Modimo go tlo ipolela dibe. Ge re rapela Modimo gore a re lebalele dibe tša rena le batho ba setšhaba sa rena, bjalo ka ge Moperisita a boletše mo Testamenteng ya kgale, Modimo o theeletša bopaki bja madi a Jesu, ka ge a paka Borena pele ga terone (Ba-Heberu 12:24). Bjalo ka ge dithapelo tša rena tša tshokologo di tlišwa pele ga Modimo (Kutullo 8:3-5), Modimo o dira boemong bja rena le kgwerano ya ditshepišo, go tšwa ditshepišong tšeo Modimo a di direlego kgweranong ya Adam, Noah Abraham, David, Solomon, bjalo le bjalo, le ditshepišo tša kgwerano e mpšu le Jesu, e ba lehumo la rena/bohwa bja rena. E ungwe ya ditshepišo ke gore ge re ikokobetša, re rapela re nyakana le sefahlego sa Modimo le go tlogela ditsela tša rena tše di šele, Modimo o tla re kwa a le legodimong, a re swarela dibe a ba a fodiša naga ya rena.

Tšhologo ya Madi (Letšatši 1-14)

La mathomo tšhologo ya madi e bile gona ka beibeleng mo pukung ya Genesi 4, mo Kaine a bolaileng ngwana babo Abele. Moloko wa go tloga ka morago ga Kaine, go ile gwa ba le koketšo ya sebe sa tšhologo ya madi ka lebaka la go itefeletša (Genesi 4:23,24). Modimo o ile a galefa kudu ka baka la sebe se. Modimo o rile Kaine o tla ba morogiwa, Morena o buša a re go yena ge a lema naga, e ka se hlwe e mo neela makhura a yona. Morena a re Kaine o tla ba motšhabi le moneneri (Genesi 4:11,12). Modimo ge a fa Moše molawo wa gagwe o molaetše gore motho yo a bolayago batho o swanetšwe ke lehu (Ditoronomi 19:11-13). Ge go be go nale molato wa kgale wa polao Modimo o be a laela Mopirisita go re a šomane le bothata bjo (Ditoronomi 21). Beibele e re ruta gore ge madi a tšhologa e kaba a batho goba a diphoofolo a dira gore naga e be le molato. Madi a goba le molato ke ditla morago tša tšhologo ya madi a batho go ba a diphoofolo, go direla badimo sehlabelo. Sebe sa madi se tlala ka pele mo lefaseng goba se fetela batho ka maatla. Sebe se sega hlolela mmolai latelego yena le lapa lagabo le moloko o o butelago, batho ba naga ue o le naga ka bophara. Ka morago ga meetse fula, Morena Modimo o ntšhitše molao a re ga go re a swanela goja le go nwa madi. Molao o o hlomphiwa le ka gare ga Testamente empša (Ditironomi 15:20). Mo Testamenteng empša Jesu o bolela gore gobefelwa ga le feela ga go a loka, go swana le polao pele ga Modimo.

Tšhologo ya madi ke sebe se segolo mo pele ga Modimo. Ge Manase a tlatša madi a a se nago molato Jerusalema, Modimo o be a se a ikemišetša go mo swarela (Dikgoši 24:4). Batho bao ba rapelang Modimo ka diatla tšeo di nago le molato wa madi, Modimo ga a arabe dithapelo tša bona (Jesaya 1:15; 59:2). Mo pukung ya Diema, Modimo o bolela gore o hloile diatla tše di tšhollago madi (Diema 6:17). Mo pukung ya Joele 3:21 Modimo o tšheprešitše gore ge a bušetša dilo madulong a tšona o tla lebalela sebe sa tšhologo ya madi efela pele ga seo, naga e ka se kgone go fihla tšhologo ya

madi a senago molato (Jesaya 26:21). Madi ao a tlo tšwela pele a llela Modimo bjalo ka madi a Abele.

Tshwaetšo ya tšhologo ya madi re e bona ka kgolo ya moya wa go itefeletša le pefelo mo gare ga batho, go se dudišege mo bathong le hloko ya dijo mo nageng ka bophara. Tsela e tee ya go lwantša sebe se, ke gore re šumiše madi a Morena Jesu mo legatong la rena. Seo re ka se dira bjang? Re ya pele ga terone ya mogao re nale bo nnete ba gore rena le Moemedi legodimong yeo a re rapelelang. O lefetše melato ya rena ya sebe ka madi a gagwe, bjalo gare sa hloka go bolaya dipudi le dikgomo gore re lebalelwe dibe. Madi a Jesu a kgona go re bolelela aletareng legodimong (Ba-Heberu 12:24). Re itlemile ka ditshepišo tša gagwe tša gore re tlo lebalelwa dibe le kgwerano e kaone, bjalo re ka tla pele ga Modimo, ra ipolela dibe tša naga ya rena, mme ra humana tebalelo ya dibe. Kantle le tshokologo ga go na tshwarelo ya dibe. Le nako ga e phumule sebe. Tsela e tee ya go hwetša tebalelo ya dibe ke fela ka go ipolela le go ineela go Modimo. Ge moloko wa pele o se wa ipolela dibe tša tšona go Modimo, le moloko wo o latelago o tloba le bothata bja sebe seo. Re le gopotša gore re e ipolela dibe tše di dirilwego ke borakgolo ba rena, ga re ba rapelele swarelo ya dibe. Ka lebaka la gore ba bile le nako ya go ka ipolela dibe pele ga Modimo. Re rapelela gore Modimo a tloše molato mo nageng ya rena ka madi a Morena Jesu, le thogako yeo e tlilego ka lebaka la tšhologo ya madi. Bjalo re ka gopotša Modimo ka ditshepišo tša gagwe mo pukung ya 2Dikoronika 7:14 “Ge le ka sokologa mme ke tlo fodiša naga .”

Thapelo yeo e akaretšang Molato wa madi

Dithapelo tšeo di latelago dika šomišwa ge o ithapelela le ge e le sehlopha sa thapelo:

Letšatši 1 – *Genenesi 4:10 Modimo are, “naa o dirileng? Theeletša madi a ngwaneno a lla go tšwa mobung.” Baheberu 12:24 ...[O tlile] go Morena Jesu yena khumedi ya kgwerano e mpša, le tlile go fokelwa madi a a bolelago go fetiša madi a Abele..* Papa re lemoga sebe sa rena sa go tšholla madi mo Afrika Borwa. Re ipolelela gore mantšu a madi a batho ba bantši a ya go llela go tšwa nageng ya rena. Re a sokologa lebakeng la gore re tladitše Afrika Borwa ka madi. Morena re kgopela gore o re hlatšwe ka madi a Morena Jesu, re kgopela le gore madi a foketšwego legodimong a bolele legatong la Afrika Borwa, go tliša tshwarelo, phodišo le tsošetšo nageng ya rena.

Letšatši 2 – *Lefitiko 17:11 Gobane bophelo bja motho/phoofolo bo mo mading, mme ke le neetše ona gore ebe wa go le direla poelanyo mo aletareng; ka gobane madi ke ona a kgonago go dira poelanyo ka ge a na lephelo.* Modimo Papa wena Mathomo a Bophelo, e bile re ipolela dibe ka gore ga se ra hlompha bophelo ka swanelo mo Afrika Borwa. Re kgopela

tshwarelo gape re rapela gore o bušetše hlomphe ya bophelo ka gare ga rena, re kgone go swara batho ga botse bjalo ele batho bao ba swerego bophelo bjo o bafilego bjona.

Letšatši 3 – Numeri 35:33 *Leseke la tšhilafatša naga eo le dulago go yona. Tšhologo ya madi e tšhilafatša naga, poelano ga e be gona mo go bolego le tšhologo ya madi, ge e se madi a eo a a tšholotšego.*” Kahlolong ya bao ba phelang le bao ba hwilego, re amogela le gore re dirile dibe ebile re ipolela dibe mo go wena ka lebaka la dibe tša tšhologo ya madi mo nageng ya rena ye bekilweng ke dintwa, dipolao le dikotsi. Re rapela gore o be le kwelo bohloko le gore o re swarele sebe sa go tšhilafatša naga ya rena. Re rapela gore dithapelo tša rena o di amogele gape o fodiše naga ya rena.

Letšatši 4 – Lefitiko 17:10 *Mang le mang wa leloko la Isiraye le o šele e a diiletšego go bona ya jago madi afe le afe, yena yoo ke tlo mo hlaba ka mahlo, ka mo ripa mo setšhabeng sa gabo.*” Dipsalme 16:4 *Mahloko a tla oketšega go bao ba latelago medimo e šele, mme maina a bona ika seke ka a bolela ka molomo waka.* Morena Modimo re ipolela le go sokologa dibeng tša rena tša go nwa le go ja madi nageng ya rena, le ge e ka ba go obamela badimo bašele, meoya, badimo go ba diswantšho, dikoma go ba setšo le dijo tša gona.

Letšatši 5 – Luka 11:50-51 *Ka mo go moloko wo o tla ba le maikarabelo ka tšhologo ya madi a baporofeta a a tšholotšwego go tloga mathomong a lefase, go thoma ka madi a Abel go iša mading a Sakaria ea beilwego magareng ga aletare le tulo e kgethwa. Go bjalo, ke a le botša moloko wo o tla ba le maikarabelo go seo.* Hosea 4:2 *Tše di le go gona ke maroga, maaka le polao, bohodu le go oswa; ba thuba molloane mme ba hlahlamanya melato ya madi.* Wena uo a Lukilego, re a lemoga gape re ipolela dibe tša tshololo ya madi ya moloko wo o fetilego ka ge go sa šomanwa le yona, ka lebaka leo tšhologo yeo ya madi ya kgale e tšwela pele go tliša tshololo ya madi nageng ya rena. Re rapela gore wena Modimo ka kwelo bohloko le mogao wa gago o kgaole tšwelopele ye ya tšhololo ya madi nageng ya rena ka matla a madi a Morena Jesu.

Letšatši 6 – Dipisalome 106:38 *Ba tšholla madi a senago molato, madi a barwa le barwedi ba bona, ba hlabetšwe medimo ya Kanana, gomme naga ya ba ya goboga ka madi a bona.* Modimo Papa re a lemoga e bile re a ipolela gore re na le molato wa go tšholla madi ao a senago molato aletareng ya kgomotšo le mamone ka dipolao tša bana bao ba sa belegwago ka **go ntšha dimpa**. Ka kgopelo Morena re okeletše tshwarelo ya dibe mo Afrika Borwa ka lebaka la gore re dumeletše sebe go ba mo molaong. Re rapelela mogao le kwelo bohloko godimo ga naga ye ya rena Afrika Borwa.

Letšatši 7 – Genesi 9:5 Madi a bophelo bja lena , ruri ke tlo a lata. Ke tlo a lata go phoofolo enngwe le enngwe. Le go motho e mongwe le e mongwe , ke tlo ba nyaka go mang le mang wa gabo. Morena Moloki wa rena re kgopela gore o **hlahle** baetapele ba rena mabapi le tšhologo ya madi, re thuše le go amogela maikarabelo ka bophelo.

Letšatši 8 – Baahlodi 9:23-24 Modimo a roma moya wa lohlanya Abimeleke le banna ba Sikeme; gomme banna ba Sikeme ba hlanogela Abimeleke, gore bosenyi bo dirwe go barwa ba Jerubaliba masome a šupago, gore molato woo wa madi o bušetšwe godimo ga Abimeleke le banna ba Sikeme ba ba mo thušitšego go bolaya bana babo. Mophuluši wa rena yo a lefeletšang madi, ka kgopelo tloša meoya ya bolwetši nageng ya rena, yeo e ka dirang gore batho ba nyake go itefeletša ka lebaka la tšhologo ya madi. O lefeleditše tšhologo ya madi ka Morena Jesu ge a ile a rwala dibe tša rena sefapanong. Ka kgopelo tliša khomotšo le phodišo go bao ba lahlegetšwego ke baratuwa ba bona, ka le baka la dikgagano le dintwa; Morena tloša go baba ka gare ga dipelo tša rena le lehloyo go batho bao ba re senyeditšego, gore re kgone go ka ba lebalela.

Letšatši 9 – Hesekiele33:25 Se ke se Morena Modimo a se bolelago: Ka ge le ja nama e sa na le madi, mme le lebelela medingwana le tšholola madi, a fa le swanetšwe ke go buša/tšea naga naa? Le tshepile ditšhoša tša lena, mme le tšhilafatša basadi ba baagišane ba lena. A naa le swanetšwe ke go buša/tšea naga? Dipisalome 24:1 Lefase ke la Morena le makokokoko a lona; lefase le baagi ba lona; ke yena mothei wa lona godimo ga mawatle. Morena wa rena re ipolela dibe tša rena gore rena le batho ba mehuta e fapaneng re lwela naga mo setšhabeng sa rena. Re a lemoga lehono gore naga ke ya gago, le gore ke wena mmuši wa nnete mo nageng. Re thuše gore re lokiše ditaba tša naga ka mokgwa wa gago, anke mmušo wa gago o tle mo Afrika Borwa.

Letšatši 10– Genesi 4:10-12 Morena a re: “O dirileng? Theeletša! Madi a ngwaneno a ntlhabela mogoši a le mmung. Bjale wena o morogiwa mo nageng ye e kilego ya ahlamiša molomo ya amogela madi a ngwaneno a etšwa diatleng tša gago. Ge o lema mobu o ka se hlwe o go neela makhura a yona. O tlo ba motšhabi le moneneri mo lefaseng.” Morena Motsošološe wa dilo ka moka, ka kgopelo **tloša thogako ya molato wa madi** mo Afrika Borwa, gore naga ye e buše e mediše dikenyo gape go batho. Romela pula go ya ka ditshepišo mo pukung 2Koronika 7:13. Ka leblena la Jesu Kriste re kgopela gore o tloše dithogako tše di dirago gore batho ba hloke khutšo le gore ba se dudišege. Re kgopela go be le khutšo mo setšhabeng sa rena.

Letšatši 11 – Ba-Heberu 9:22 Ga botse, molao o re selo sengwe le sengwe le hlatšwewe ka madi, kantle le tshologo ya madi a gona tshwarelo ya dibe. Morena Modimo re ipolela dibe ka lebaka la gore re keteka tšhologo ya madi

nageng ya rena, go baba ga dipelo le lehloyo go bao ba rekwišitšego bohloko, lebakeng la gore re ba lebalele re a ba galefela e bile re a itefeletša. Bjalo re kgetha go lebalela bao ba re kwišitšeng bohloko, bjalo ka ge o re lebaletše dibe tša rena ka madi a Morena Jesu.

Letšatši 12 - *Habakuku2:12 Joo Joo moagamotsekamadi, mothekgamotse ka sebe. Daniel 9:8 E, go bjalo morena! Se se re swanetšego, rena dikgoši tša rena, le bagolo ba rena le botatawešo, ke tšona difahlego tše di llwego ke dihlolong, ka gobane re go senyeditše.* Kgoši ya toko, re ipolela gore bontšhi bja ditoropo tša rena di dirilwe kgahlanong le **molao, le tšhollo ya madi le bosinyi**. Go tloga mathomong a setšhaba, mengwageng ye lekgolo e fitilego, banna le basadi ba be ba šomiša maatla a bona go tšholla madi. Re lewa ke dihlolong ka lebaka la sebe sa rena. Ka kgopelo tloša mathomo mayo lenyora la madi setšhabeng sa rena le ditoropong, gape re kgopela gore o dire mathomo mayo a mamphša ka gore mphšafatša ka Jesu Kriste le ka go sokologa.

Letšatši 13 – *Jesaya 1:15,16 Ge le emiša matsogo a lena thapelong, ke tla le gerula; le ge le ka atiša dithapelo, nka se ke ka lekwa. Diatla tša lena di tletše madi; hlapang le tšwe ditšhila. Tlošang mediro ya lena e mebe pele gaka! Tlogelang go dira tše di sa lokago... Joele 3:21 "Ke tlo hlatswa molato wa tšhollo ya madi ao ke seng ka a hlatšwa; gobane Morena o dula Sione."* Wena Modimo ya sa Fetogego, **O tshepišitše** go rekwa o le legodimong ga fela re a o kokobetša, re nyaka sefahlego sa gago gape re tlogela ditsela tša rena tše di sa lokago. Ka kgopelo Morena rekwe ge re rapela o seke wa re fihlela sefahlego sa gago. **Tloša Afrika Borwa** ka gare ga molato wa tšhologo ya madi; e dirilwego ke batho go ba badudi ba mathomo bao ba bego ba hlabela badimo dialetareng tšeo di se nago kamano le Modimo; tšhololo ya madi gotšwa dintweng tša merafe e fapaneng; tšhololo ya madi e bileng gona ka nako ya kgethollo (apartheid); tšhololo ya madi ka mengwaga ya bokoloni; tšhololo ya madi ka lebaka la dipolao, dikotsi, gontšha dimpa, go ipolaya, bohloki le go se phethagatšwe ga toka. Morena dumelela naga ye, gore e amogele phodišo ya gago, hlatswišišo, phološo le tšošetšo. Amen.

Letšatši 14 – *Dipisalome 51:12 Anke o bušetše go nna lethabo la phološo ya gago mme o mphe moya wa go ikemišetša, go nkuka.* Mophološi wa rena, re thaba mo maatleng a leina la gago. O dira dilo ka moka ka bothakga. **O Kgoši ya Khutšo**, Moetapele mo Tokong, monoši wa dilo ka moka, Ntate wa ditšhiwana le Moemedi wa bahlologadi. Re ineela mo go wena. Anke leina la gago le retwe mo Afrika Borwa. Anke batho ba go tsebe ba be ba rete leina la gago. Re keteka botlalo bja go loka ga gago gape re opela ka lethabo ka toko ya gago.

(Mohlala wa thapelo ya go rapelwa lefelong la ntwala le mafelo a digopotšo tšala ntwala, mafelong a dikgakgano, mafelo a khunamelola ya

dihlabelo, ditlilini tša go ntšha dimpa, mafelong a dikotsi, polao, go ipolaya, le tše dingwe)

Molato wa Tšhologo ya Madi

Modimo Papa re tla go wena ka leina la Morwa wa gago Morena Jesu Kriste go ya ka ditshepišo mo pukung ya Johane 16:23. A go šegofatšwe leina la gago; Wena yoo o phagamišwago godimo ga ditshegofatšo le ditumišo! Wena o nnoši o Morena; O dirile magodimo, legodimo gare ga magodimo, le balaodi ba gona, lefase le se sengwe le se sengwe mo go lona, mawatlle le tšohle gare ga wona, e bile o dihlokometše ka moka. Ka moka le balaodi ba legodimo re a go khunamela. Re a lemoga lehono gore o Modimo godimo ga badimo, e bile a gona wa go swana le wena, wena Morena. O Modimo yo a dirilego naga e re phelago go yona. O dirile le ditšhaba tše di phelago mo Afrika Borwa ka madi a tee, o ba ahloletše nako pele baka kgethwa le mellwane ya madulo a bona, gore ba go nyake (Ditiro 17:26,27).

Ka boikokotšo, re ipea ka fase ga gago/pele ga gago (Jakobo 4:6,7) re khunama ka mangwele mo pele ga gago, re ineela go wena, le batho ba rena le naga ya rena (Baroma 14:11,12). Re ahlotšwe ke Moya o Mokgethwa gore re na le molato ka sebe sa tšhololo ya madi toko yeo o e nyakago mo go rena Ma-Afrika Borwa le kahlolo mo nageng ya rena ka lebaka la sebe.

Re sokologa ka lebaka la gore re tladišwe Afrika Borwa ka madi. Re ipolela gore ga re a hlompaa bophelo rena mo Afrika Borwa.

Tšhologo ya madi yeo e fetilego: Papa, re lemoga ebile re ipolela gore molato wa tšhololo ya madi ya meloko e e fetilego, ga se ya lokišwa. Re a sokologa lehono ka lebaka la madi ao a tšhologilego ka dintwa nageng ya rena (Bašweu vs Khoi, Bašweu vs San, Bašweu vs Xhosa, Xhosa vs San, Xhosa vs Khoi, San vs Griekwa, San vs Korranah, Zulu vs Xhosa, Zulu vs Basotho, Zulu vs Bašweu, Shangaan vs Zulu, Ndebele vs Tswana, Ndebele vs Pedi, Venda vs Pedi, Maburu vs Brit, bolela dintwa tše di bilego gona lefelong la lena _____). Re rapela gore Morena o re tšhele ka mogau wa gago gape o kgaole tšwelopele ya tšhologo ya madi le moya wa go itefeletša nageng ya rena ka maatla a madi a Jesu Kriste. Re kgopela gore o tliše poelano mo bathong ba merafe e fapanego nageng ya rona, mme re dumelle madi a Jesu Kriste a buše segwera, fodiša dintho tša go ganwa ke batho, lehloyo le go se tshepane. Re a ipolela gore meago e mengwe ya digopotšo eo re e dirilego e re gopotša dintwa, mme e tšoša lehloyo, go befelwa le kgethologanyo ka gare ga dipelo tša rena. Re ipolela gore re dumeletše maikutlo ao a senyago molaetša wa gore wena o mang, gape re šomišitše Beibele go emeletša tšhologo ya madi. Re ipolela gore diswantšho tše dingwe tša kgopotšo ga di rete leina la gago (tše dingwe di godiša badingwana ba Egepita le Roma). Re kgopela gore o re swarele.

Tšhologo ya madi ka lebaka la go ngangišana: Modimo Papa wa Morena wa rena Jesu Kriste, Beibele e re botša gore tšhologo ya madi ka ntwaga nako ya khutšo e bitša boitefeletšo. Re ipolela gore re na le molato wa go tšholola madi ka dintwa ka nako ya khutšo nageng ya rena. Re a ipolela gape re a sokologa Morena ka dipolao tše dibelego gona ka dintwa tša sepolotiki, dintwa tša merafe le kgatelelo ka nako ya ntwaga tokologo. Re lemoga ditiro tša go hloka toka, tšeo di dirilwego ke batho bao ba bego ba dira gore go be le khutšo, mme re ipolela pele ga gago. Ka kgopelo re lebalele dibe tša rena.

Tšhologo ya madi ka lebaka la dintwa nageng ya rena: Papa re ipolela gore rena bjalo ka Afrika Borwa re na le molato ka go tšholola madi kua Namibia, Angola, Zimbabwe, Mozambique, Lesotho le dinaga tše dingwe kua bohlabela le bodikela bja Afrika le Iropa. Re rapela gore molato wa tšhololo ya madi o tlošwe le poelano e tšee karolo.

Tšhologo ya madi ka lebaka la dipolao le go ipolaya: Papa re ipolela le go sokologa bjalo ka Afrika Borwa ka lebaka la madi a tšhologilego ka dipolao tšeo di belego gona mo nageng ya rena. Re ipolela le molato wa go dira gore sebe sa go ntšha mpa se be molaong le go tšholla madi ao a senago molato mo aletareng ya mammon le khumotšo go bolaeng bana bao ba sa leng ka mpeng. Re a sokologa gokwata, lehloyo le go tlala ka go baba mo pelong, go go hlolang dipolao dipolaseng, malapeng le kgethologanyo ya merafe.

Tšhologo ya madi ka lebaka la dikotsi: Morena re ipolela sebe sa tšhololo ya madi ka lebaka la dikotsi mo ditseleng ka go se otlele ga botse, botagwa, go se obamele molao le mabaka a mangwe. Ka kgopelo tloša molato wa tšhollo ya madi nageng ya rena.

Tšhologo ya madi ka dihlabele: Modimo Papa re lemoga molato mo nageng ya rena ka lebaka la tšhollo ya madi a diphoofolo (le batho) ka nako ya go obamela badimo (bosathane, boloi, go khunamela selo sengwe le sengwe ka ntle le Modimo, Papa go Jesu Kriste). Re ipolela le go sokologa go tšhollo ya madi ka dikoma, mekete ya setšo le go ja le go nwa madi ka mekgwa ya setšo.

Re ya rapela ka leina la Jesu Krete gore o tloše thogako, mme o buše mogau wa gago gore naga e gole mme e ate. Re rapela gore o kgaole thogako yago dira gore batho ba se dudišege. Morena dumelela batho ba dule mo nageng eo o ba filego yona.

Re kgopela o re hlatšwe ka madia Jesu Kriste, le gore madi a Jesu aletareng ya legodimong a bolele legatong la Afrika Borwa lehono (Ba-Heberu 12:24), go tliša tshwarelo ya dibe, phodišo le go tsošološa naga ya rena. Amen

Go se itshware gabotse ka tša thobalano (Letšatši 15-21)

Genesi 6 e re botša ka tiragalo ya pele ya go se hlomphe thobalano. Le ge Beibele e sa hlaloše ka botlalo gore go diragetše eng ka nako ya pele ga meetse fula, enngwe ya ditla morago tša go se hlomphe thobalano ke gore go ile gwa tlala dintwa lefaseng ka moka. Go swabiša ga motho ka go itshwara gampe ka thobalano go boletšwe pukung ya Ba-Roma 1. Ditla morago e bile gore batho ba ile ba hloya Modimo, mme kahlolo (vs.32) ya ba lehu. Kahlolo ye o, ke ye Modimo a ilego a e ahlola setšhaba sa pele ka meetse fula. Go se itshware gabotse ka tša thobalano go hlalošwa e le sebe mo pukung ya Lefitiko 18:6-23, e akaretša le dilo tša go swana le bana ba motho ba robalana, le thobalano ka nako ya ge mosadi a le kgweding, bootswa, banna ba robala le banna le basadi ba robala le basadi le go gweba ka mmele. Mo Testamenteng e mphša, Paulo o hlaloša go itshwara gampe ka thobalano e le sebe kgahlanong le mmele wa gago (1Ba-Korante 6:18). Mo Lefitiko 18 go itshwara gampe ka thobalano go hlalošwa gore ke enngwe ya dilo tše di hlolago gore batho ba lahlegelwe ke naga ya bona. Enngwe ya mathata nageng ka go se hlomphe thobalano ke: go fokotšega ga matšatši a bophelo, go lahlegelwa ke maatla a go laola dilong tša semoya, kganyogo ya maatla, go hloka moya wa go hlankela, go hloka moya wa botho le kganyogo ya tša nama, se se bolela kgatelelo ya meoya e mebe. Jesu mo Mateo 5:28, o bolela gore le ge re ka ba le dikganyoga tša nama dipelong tša rena, re dirile bootswa. Bjalo a se kgato ya bootswa yeo e go tšhilafatšago, mme le dikgopolo tša rena ka go lebelela diswantšo tša thobalano. Mo 1Ba-Korinte 5, Paulo o bolela gore kereke e seke ya kgotlelela go tšhilafatšwa ga thobalano malokong a kereke, mo go Ba-Roma 1 o rile kahlolo e ka se tlele feela bao ba sa hlompego thobalano, fela le bao ba dumelelago seo se diragala.

Ge re ka lebelela Afrika Borwa ka se Beibele e se bolelago ka go se hlomphe thobalano, re bona re na le molato pele ga Modimo ka go dumelela sebe se phatlalala le go tšhilafatša setšhaba. Batho bao ba ka kgonago go tla pele ga Modimo go kgopela go hlatswa le go tsošeletšwa ga malapa, manyalo le setšhaba, ke bao ba nago le segwera le Modimo Papa, ka Jesu Kriste, gape ba šomana le go tšhilafala ga maphelo a bona ka thobalano.

Dithapelo mabapi le go se itshware gabotse ka tša thobalano

Dithapelo tše dilatelago di ka šomišwa ge o rapela o le noši le ge le le sehlopha:

Letšatši 15 – *Lefitiko 18:6* “Motho a seke a batamela leloko la gauswi ka tša thobalano.” *Ke nna Morena.* Modimo Papa re ipolela pele ga gago sebe sa thobalano baneng ba motho. Re lemoga gore ga re a swara ba maloko ka hlomphe ka tša thobalano. Re kgopela gore o hlatswe malapa a rena, phodišo ya maphelo ao a robegilego le go tsošeletša hlweko ya tša thobalano

malapeng a rena. Re kgopela gore o fodiše dikgopolo le meoya ya rena yeo e gobetšego ka lebaka la sebe se.

Letšatši 16 – Lefitiko 18:20 “O seke wa robala le mosadi wa wa geno; e tlo ba go itšhilafatša ka go dira tše bjalo.” Mareka 10:12 A araba are, “E mongwe le e mongwe yo a lahlago mosadi wa gagwe, mme a nyala mosadi o mongwe o dira bootswa kgahlanong le mosadi wa gagwe. Le mosadi ge a ka lahla monna wa gagwe mme a nyalwa gape o dira bootswa.” Mateo 5:27,28 “Le kwele ba bogologolo ba re, ‘o seke wa dira bootswa.’ Empa ke a le botša gore mongwe le mongwe yo a lebelelago mosadi a mokganyoga o dirile bootswa le uena pelong ya gagwe.’ Modimo ya Tshepagalago, re lemoga le go ipolela gore Afrika Borwa e na le molato wa **bootswa**. Re kgopela tshwarelo ka go se tshepagale, le ge dipelong tša rena go ka bonagala go lokile. Re kgopela gore o fodiše manyalo mo Afrika Borwa, gape o re thuše re tshepagale ditshepišong tša rena.

Letšatši 17 – Lefitiko 18:22 “O seke wa robala le monna wa mo dira mosadi; ke botšopša.” Ba-Roma 1:26,27 “Ka lebaka la se, Modimo o ele a ba gafa ba ya le ditumo tše lešago dihlong. Basadi ba bona ba tlogela modirelo wo ba o bopetšwego, ba tšea modirelo wo ba sa ka go ba bopelwa wona. Le banna ba tlogela modirelo wo ba bopetšwego wona wa go dula le basadi ba bona, ba fišegelana monna a dula le monna, ba dira tša dihlong; gomme ba humana kotlo ya ditiro tša bona.” Modimo o mo Kgethwa, re ipolela sebe sa Afrika Borwa sa thobalano ya **banna le banna, basadi le basadi** pele ga gago. Re kwišiša puku ya Ba-Roma 1 gore ke ka gore a re a phagamiša leina la gago bjalo ka Mmupi wa rena. Re kgopela tshwarelo mo go šomišeng thobalano eo e sego ya hlago go kgotšofatša dikganyogo tša rena. Re kgopela phodišo le tokologo go bao ba tlemilwego ke sebe se. Ka kgopelo bušetša banna le basadi bao o ba bopilego letagong la gago.

Letšatši 18 – Lefitiko 18:23 “O seke wa robala le seruiwa wa itšhilafatša ka go dira tše bjalo.” Mohlodi wa legodimo le lefase, re kgopela tshwarelo ka sebe se se diragalago mo Afrika Borwa. Re swabela ka mokgwa woo setšhaba se ganago melao ya gago. Gape re ipolela pele ga gago sebe sa tirelo ya thobalano ya tša bosathane. Ka kgopelo re swarele gape o lokolle batho ba rena bao ba bofilwego. Re a rapela gore o kgalemele moya wa go se hlomphe thobalano gape o re hlatšwe go thobalano e tšhilafetšeng.

Letšatši 19 – Jeremia 3:2,3 Le tšhilafaditse naga ka go gweba ka mmele le bofokotšane. *Bjalo le tlo tingwa pula le go hlokišwa medupi.* Wena Modimo yo a Kgethegilego, re lemoga le go ipolela pele ga gago sebe sa go gweba ka mmele. Re kgopela tshwarelo ka go rekiša mebele ya rena re tšhilafatša tempele ya gago. Re kgopela tokollo go moya wa go gweba ka mmele. Re rapelela phodišo le tsošološo go bao ba ilego ba gapeletšwa le bao ba ikgethetšeng go dira se. Re rapelela kgonthišišo ya molato go banna le

basadi bao ba ba šomišago. Re ipolela kamanong ya rena sebeng sa thobalano e tšhilafetšeng le go kgotlelelo ya rena ka mekgwa e fapaneng ya meleko ya tša thobalano. Re rapela gore o re hlatšwe go thobalano e tšhilafetšeng gape o tšhele Moya wa gago wa kgalalelo mo go rena.

Lešatši 20 – *Dillo tša Jeremia 5:1,11,15* “Morena, se lebale tšo re dirilwego tšona; lebelela o bone kgobogo ya rena...Basadi baTsione , banenyana ba metseng ya Juda ba katilwe. Lethabo mo pelong tša rena le tlogile , dikoša tša rena difetogile dillo. Morena Modimo wa rena , wena sebo sa rena lethabo le tlogile dipelong tša batho ba ba ntšhi ka lebaka la sebe sa thobalano le go kata. Re lemoga gore gago motho e a bolokegilego mo setšhabeng ka lebaka la hlakišo ya thobalano. Re kgopela o re lebelele ge re dumeletše moya wa tumo tša nama go itaola. Ka kgopelo re lokolle, e bile o utulle mešomo ya leswiswi yeo e hlolago hlakahlakano mo nageng. Ka kgopelo re kgopela gore o tliše phodišo go bao ba dire tšwego diphošo, o tšweletše bao ba senyeditšego ba bangwe, o ba tliše phološong ka Kriste.

Letšatši 21 -*Baheberu 10:22* A re atameleng ge ka pelo le tumelo etletšego, re hlatswetšwe dipelo tša tloga moetlo, re hlapišišwe mmele ka meetse a a sekilego.” Modimo a kgethegilego, re hloka madi a Jesu gore a re hlatšuwe mo dipelong le mebele ya rena go sebe ka moka sa tšhilafalo ya thobalano. Ka kgopelo re tsošološe gore re be bo makoti ba gago bao o nyakago re ba bona. Re neela mebele ya rena bjalo ka sehlabelo seo sephelang, se kgethegileng le seo se kgahlang wena go ka go khunamela. Ka kgopelo tloša thogako ya dintwa nageng ya rena yeo e hlotšwego ke go tšhilafalo ya thobalano. Re rute gore ka boikokobetšo re hlomphane le go hlankelana re sa nyake maatla a go buša ka ntle le wena. Morena bušetša thato ya gago mo nageng ye.

(Mohlala wa thapelo eo e ka rapelwago mafelong a thobalano e tšhilafatšego, bjalo ka dikhasino, mabenkele a batho ba bagolo, mafelo a bagwebi ba mmele, mafelo ao a šomišetšwago go kata, le a mangwe).

Go se itshware ga botse ka tša thobalano

Modimo Papa, re tla teroneng ya gago ya mogau ka Morwa wa gago, Jesu Kriste. Re a go khunamela bjalo ka Mokgethwa wa rena. Modimo wa godimo ga badimo. Wena o le nnoši o swanetšwe ke go amogela ditheto le khunamelo. Lentšu le lenngwe le lenngwe la go tšwa mo go wena ke le lekgethwa, gape mo go wena ga gona tšhilafatšo. Go ya ka lentšu la gago, setšhaba sa rena se na le molato wa tšhilafatšo ya thobalano. Bjalo ka mmele wa gago re amogela molato wa setšhaba sa rena mo sebeng se. Re ngadile go ntšha maikutlo a rena kgahlanong le sebe sa tšhilafatšo ya thobalano, gape ga re a dira ka maatla go ka lemoša batho ka tšhilafatšo ya thobalano. Re tliša setšhaba sa rena pele ga gago.

Thobalano mo bathong ba lapa le tee: Morena re ipolela sebe sa thobalano mo bathong ba lapa le tee. Re amogela gore maloko a malapa mo setšhabeng ga a swarwa ka hlomphe ka tša thobalano. Re ipolela gore seswatšho sa gago go bana ba bantšhi bjalo ka ntate se senyegile ka lebaka la sebe se. Re kgopela tshwarelo, gape re rapela gore o hlatswe malapa, le phodišo ya maphelo ao a robegilego le pušetšo ya bobotse bja thobalano mo segwereng sa malapa. Ka kgopelo fodiša megopolo le maikutlo ao a gobetšego ka lebaka la go se tshepagale.

Go Feba: Modimo yeo a tshepegilego, wena yo o hlalošago gore o “**Monna wa Isiraele**”, “Monyadi” eo a lokišetšago “Monyadiwa” wa gagwe mokete, re ipolela gore Afrika Borwa e na le molato wa bofebe. Re kgopela tshwarelo ka go se tshepagale ga banna le basadi, le ge e kaba mo kgopolong feela ese nameng. Ka kgopelo fodiša manyalo a setšhaba sa rena, re thuse go tshepagala mo di tshepišong tšeo re di dirilego.

Bootswa (go se hlweke ga thobalano – thobalano ka ntle ga lenyalo): Modimo Papa, wena o re filego mellwane mo go tša thobalano. Re ipolela pele ga gago sebe sa bootswa setšhabeng sa rena, le gore se a mogetšwe ga ntšhi mo seya le moyeng le ka bophelo bja matšatši a. Re kgopela tshwarelo gape re rapela gore setšhaba sa rena se be mo tseleng ya lentšu la gago ka mabapi le hlweko ya tša thobalano pele le ka gare ga lenyalo.

Bohomoseke le basadi ba go itira banna: Modimo Papa, wena mmopi wa motho, elego monna le mosadi. Re ipolela pele ga gago ka sebe se banna ba robalang le banna le basadi ba robalang le basadi, se ke selo seo o sa se hlolang le go se amogela. Re lewa ke dihlolong ka ge setšhaba sa rena se gana melao ya gago. Ka kgopelo re swarele ka ge re dumeletše dilo tše gore di direge mo nageng ya rena. Re a ipolela gore re šodile bao ba bofilwego ka gare ga sebe se, re sa ba thuše gore ba humane tokollo le phodišo mo go wena. Ka kgopelo re neela kwišišo le pelo hlomogi go bao ba swaregilego medirong ya diabololo. Re rapela gore o kgontišiše ka sebe se bathong, hlweko le kahlolo le go hlatšwa naga ya rena mo thogakong ya tšhilafatšo ya thobalano.

Go gweba ka mmele: Papa re lemoga le go ipolela pele ga gago sebe sa gwebo ya mmele. Re kgopela tshwarelo ka go rekiša mebele ya rena re tšhilafatša tempele ya gago. Re kgopela tokollo mo moyeng wa go gweba ka mmele. Re rapelela phodišo le tsošetšo go batho bao ba gapeleditšwego go ba ba kgethilego go ba gona ka gare ga tiragalo e. Re rapelela go e pona molato ka sebe se, go batho bao ba šomišago banna le basadi gore ba humane tšhelete. Re ipolela kamano ya rena go sebe se, le go kgotlelela meleko ya mehuta huta ya thobalano eo itlišwago ke kgašo ya dithelebišene

le seyalemoya. Re rapela gore o re hlatšwe mo tšhilafatšong ya thobalano, mme o re tšhele ka Moya wa gago o Mokgethwa.

Diswantšho tša thobalano: Modimo Papa, re ipolela mo go wena gore re dumeletše dikgopolo tša rena di tšhilafala ka di swantšho tša thobalano tše di le go gona ka ma benkeleng, le tšeo di bontšhiwago mo thelebišeneng le dipuku na. Re a lemoga gore lebaka la go dira mediro e, re na le molato wa bootswa le go feba. Re kgopela tshwarelo ka sebe se. Ka kgopelo re hlatswe dikgopolo le maikutlo ka madi a Jesu. Re kgopela gore o dire megopolo ya rena e hlankela lentšu la gago. Re rapelela go bontšhuwa molato wa rena ke Moya o Mokgethwa gore diswantšho ka moka tša thobalano di lahlwe nageng ya rena, le gore batho bao ba tlemilwego ke mokgwa wo ba lokollwe ka leina la Jesu.

Go Kata: Morena Modimo wena Botšhabelo ba rena, re ipolela pele ga gago sebe sa go hlogofatša ka thobalano le go kata nageng ya rena. Re kgopela o re swarele ka go dumelela moya o mobe wa takatšo tša nama go itaola le go se be letaba ga rena ka seo se diragalang. Ka kgopelo re lokolle gape o ntšhe pepeneneng mešomo ya leswiswi yeo e dirago gore batho ba senywe ke sebe. Ka kgopelo re tlišetše phodišo go bao ba senyeditšwego, o be o tšweletše basinyi o tliše kahlolo go bona gape le phološo go Kriste.

Thobalano ya Batho le Diphoofolo: Modimo, Mohlodi wa dilo kamoka, re ipolela pele ga gago ka maemo ago senyakege, a ditiro tša thobalano le diphoofolo. Ka kgopelo utulla pepeneneng mešomo ya leswiswi, gape o dire gore batho bao ba dirang sebe ka go khunamela badimo ba ipone molato ka seo ba se dirang, gore ba kgone go tla go wena ba phološwe. Re a rapela gore o tloše thogako yeo e lego mo nageng ka lebaka la sebe se.

Mediro ya tša thobalano: Modimo Papa, re a ipolela mo pele ga gago ka bontšhi bja bo sataniki le mediro ya tša thobalano e dirwago ke baikaketši ba go hlankela tumelo ya bosathane le maphagane. Re ipolela gore mekete e mentšhi ya setšo e phagamiša bootswa ka thobalano ya se phoofolo, le meetlo ya thobalano, le tumelo ya go tswala. Re kgopela tshwarelo ka go dira dilo tše di tšhilafaditšego nageng ya rena. Re rapela o dire gore bao ba dirang dilo tše ba bone bobbe ba tiro e. Re rapela gore o lokolle batho ba Afrika Borwa ka gare ga ditlamo tša sathane le maatla a tumelo ya maaka, gape o ba lokolle memoyeng ya ditumelo tšeo di senago nnete.

Papa, Modimo o Mokgethwa ya senago bosodi, re hloka madi a Jesu Kriste go re hlatswa moyeng le nameng go ditšhila ka moka, ka lebaka la thobalano e tšhilafetšeng. Ka kgopelo re bušetše go ba monyadiwa yeo o nyakago re be yena. Re neela mebele ya rena bjalo ka sehlabelo seo se kgethegilego seo se phelago, bjalo ka khunamelo go wena. Ka kgopelo tloša thogako ya dintwa yeo e tlišitšwego ke thobalano e tšhilafetšeng, nageng ya rena. Ka kgopelo

bušēša maphelo mo nageng ya rena, gape o oketše go dula ka go letela bophelo mo go wena. Anke rena bjalo ka mmele wa gago re be le pušo ya se moya mo nageng tšeo o re neetšego tšona gore re buše. Re rute gore re hlomphane gape re hlankelane ntle le go ba le tumo ya pušo ka ntle le wena. Ka kgopelo tloša dithogako ka moka mo nageng ya rena gape o buše mogau wa gago mo Afrika Borwa. Amen

Dikgwerano tše di robegilego/ditumellano/tumellano gare ga batho goba dinaga (Letšatši 22-28)

Modimo wa Beibele o iponagaditše go motho bjalo ka Modimo wa kgwerano. Go Adama le Efa e be le Elohim, Mohlodi, go Abrahama o tšweletše bjalo ka El Shaddai, Modimo yo Maatla ohle; go Moše oe tšibišitše gore ke Yahweh – “Ke se ke lego Sona”, sa mafelelo o iponagaditše gore ke yena Mophološi (Mesia), Jesu Krete. Modimo ga se a a roba kgwerano ya gagwe le motho, empa go Genesi 3 re bala ka mokgwa woo Adama le Efa ba ile ba roba kgwerano ya bona le Modimo ka go se tshepagale. Go se tshepagale ga bona go dirile gore ba phele ka ntle ga bogona bja Modimo le gore ba je mphufutšo wa phatla. Nako enngwe le enngwe ge Modimo a dira kgwerano le motho, o oketša ditšhegofatšo tša gagwe, gagolo o re neela melao yeo a nyakago re e botagela. Ge re ka kgetha go ba kgahlanong le kgwerano ya Modimo gomme re tlo welwa ke dithogako. Ka ge Modimo a tshepegile mo dikgweranong tša gagwe, o lebeletše gore le rena re tshepagale mo kgweranong eo re idirago le yena. Motho e mongwe le e mongwe eo a nyetšego o dirile kgwerano le molekane wa gagwe bophelo ka moka. Hlalano le go se tshepagale lenyalong go thuba kgwerano. Gona le kgwerano eo e sa bolelwego gare ga batswadi le bana gore ba tla hlokomela bana ba bona. Malapa a mantšhi a thubegile ka lebaka la gore kgwerano e e sa bolelwago e robilwe. Go na le kgwerano eo e sa bolelwago magareng ga mmušo le badudi ba naga. Ge molao o bušang mo nageng o kgetholla e bile o thekga batho ba bangwe mo nageng, go ra gore kgwerano e robegile.

Ditlamorago tša kgwerano yeo e robegilego di a bonagala ka Beibeleng. Lefase le tšhilafetše gape le a Ila (Jesaya 24:5,6), mmu o rogakilwe (Genesi 3:17) bjalo go ka ba le tlala, dintwa le malwetši ka lebaka la sebe se.

Ka nako ya Joshua (Joshua 9) ba Isiraele ba dirile kgwerano le setšhaba se sengwe seo se bego se dula motseng wa Kanana, gore ba tlo ba tlogela ba phela. Ka morago ga mengwaga e 380, Saulo kgoši ya mathomo ya Isiraele, mo phišagallong ya gagwe ya Isiraele le Juda o robile kgwerano e Joshua a e dirilego. Ka lebaka la kgwerano yeo e robegilego, Modimo o tlišitše tlala ka nako eo pušo ya kgoši Dafita e yago mafelelong (2Samuele 21). Ge Dafita a botšiša Modimo ka tlala, Morena a bolela gore ke kahlolo yeo a e filego Isiraele ka lebaka la gore mmušo wa pele o kgaotše kgwerano. Hezekiele 14:13 le 21, Modimo o hlalošetša Moporofita gore ge setšhaba se ka

tšwelapele sa se tshepagale goba sa roba dikgwerano tšeo ba di dirilego le Modimo, ke moo dithogako di tlogo tšwelapele ka mokgwa wa ntwana, bolwetše le tlala. Mo kutullong e, re swanetše go lebelela setšhaba sa rena re tsebe gore go diragala eng. A naa, e kaba gore Modimo o dumeletše dithogako tše dingwe ka lebaka la go se tshepagale ga Afrika Borwa? O re eng ka malwetši a go swana le Aids, Cholera le Malaria le malwetši a maoto le molomo? Modimo o sa le Modimo wa Beibele. Le ge e le gore re phela nakong ya mogau, re sa hloka goya teroneng ya mogau (Ba-Heberu 4:16) go kgopela mogau ka nako tša dihloko. Teroneng ya Mogau re tlo kopana le Mopirisita o Mogolo e lego Jesu Kriste, mo a lego Moemedi, yena mmoledi wa rena, gape o a re rapelela mabapi le dibe tša Afrika Borwa. Anke re mo kgopeleng gore a tšhollele tshwarelo ya dikgwerano tšeo dirobegolego mo Afrika Borwa.

Dithapelo mabapi le dikgwerano tše robilwego

Dithapelo tšeo di latelago dika rapelwa le ge o le nnoši goba le le sehlopha:

Letšatši 22: *Jesaya 24:5,6* *Naga e goboga ka ba ba dulago mo go yona, ge ba sela molao, ba lahla ditaello, ba senya kgwerano ya neng le neng. Ke tšona di hlolelago naga kotsi yago lewa, mme ba agilego mo go yona ba lefetšwa; beng ba yona ba a tšhungwa, go šala ba ego ba kae.* Modimo wa kgwerano, re ipolela gore Afrika Borwa e **molato ka go roba dikgwerano le Wena**. Re nyaditše molao wa gago, re go phošeditše. Re kgopela tebalelo ya dibe, re rapela gore o gopole kgwerano ya gago le rena mo go Jesu Kriste. Ka kgopelo tloša thogako yeo e lego mo go rena ka lebaka la go se tshepagale ga rena mo molaong wa gago.

Letšatši 23: *Jeremia 3:1,2* *“Go thwe ge monna a hlala mosadi, mosadi a tloga a yo tšewa ke monna e mongwe, a monna yola o sa tlo boela go masadi yo? A e ka se be go senya naga wa go e goboša? Bjalo wene ge otswitše le baratwa bago ba bantši, a o re o sa tlo boela go nna?”* o re yalo Morena. *Maleaki 2:16* *“Gobane Morena Modimo wa Isiraele o re: Tlhalo ke e hloile; ke hloile yo a senyago kobo yagwe ka bošoro,”* Modimo yoo a Tshephagilego, re lemoga le go ipolela molato wa rena pele ga gago ka lebaka la tlhalano nageng ya rena. Malapa a mantšhi le maphelo a batho a senyegile ka lebaka la sebe se. Ka kgopelo re lebalele mo go setshephagaleng, ka go se sware kgwerano ya lenyalo le go se eme ditshephišong tša rena. Re rapelela tsošetšo manyalong, segwereng seo se robegilego le malapeng, le gore o tliše phodišo go bao ba gobetšego. Ka kgopelo re thuše re tshepagale, re hlankelane ka bo rena gape re kgone go ganetšana le meleko yeo e tlogo mo go rena.

Letšatši 24 – *2Samuele 21:1* *Mehleng yeo ya Dafita go kile gwa wa tlala ya mengwaga e meraro e hlatlamanago. Dafita a nyaka sefahlego sa Morena. Morena a re: “Ke ka baka la Saulo, le ka baka la molato wa madi wa le leloko*

la gagwe, ka ge a bolaile Bagibeoni.” Joshua 9:15 Joshua a dira leago le bona, a tlema kwano nabo (Bagibeoni) ya go re o tla ba lesa ba phela; mme bagolo ba phuthago ba ba enela.” Morena Modimo wena yoo a Phagamilego, wena Moemedi wa kgwerano empša, re ipolela gore Afrika Borwa e na le molato go kgoleng kgwerano le di naga tše dingwe, gape go feletša go na le tšhologo ya madi, bjalo ka seo se diragetšego ka nako ya Saulo. Ka kgopelo re lebalele ge re saka ra tshepagala mo ditshepišong tša rena, ka lebaka la seo re be re swanetšwe ke mengwaga ya bohloko ka lebaka la goitefeletša, lehloyo le komelelo ya semoya mo nageng ya rena. Re hloka gore o re hlatšwe, re kgopela gore o tloše molato woo, ka madi a Morena Jesu Kriste. Ka kgopelo re thuše gore re boelane le batho bao ba re senyeditšego gape o tliše le tsošeletšo mo go hlokegago.

Letšatši 25 – *Jesaya 10:2 Kotsi e tlo wela balai ba go laya dibe, le bangwadi ba go ngwala tša bošula, e le go senyetša badiitšana taba, e le go hlokiša babotlana ba setšhaba sa ka moahlolelo wa go loka, e le go hlakola ba bahlologadi, e le go rebola tša dišwana. Luka 11:46 Jesu a re “Le lena ba melao le ba madimabe, gobane batho le ba rweša merwalo e robago; mme lena merwalo yeo ga le e kgwathe le ka monwana o tee wa lena.” Diema 21:2 Motho tsela tšagwe tšohle o re di lokile; ge e le Morena o hlatha dipelo.* Molaodi wa dikgoši tša lefase ka moka, re a lemoga gape re ipolela gore Afrika Borwa e na le molato ka melao eo e sa lokago, kgatelelo, go hlakiša badiidi mo ditokelong tša bona le go thibela toko, go tloga nakong ya badudi ba pele mo nageng ya rena, baloadi le dikgoši mo setšhabeng sa rena. Re kgopela o re lebalele. Ka kgopelo re tšhele ka mogau wa gago, gape o hlahle baetapele ba rena gore ba tšee diphetho tša bohloko. O bolela gore go Diema 21:1 dipelo tša dikgoši di seatleng sa gago. Ka kgopelo hlahla dipelo tša baetapele go šala ditaello tša gago morago.

Letšatši 26 : *Jeremia 22:13 Kotsi e tlo wela mothealapa ka go se loke, a aga nywako a ila molao; a direlwa ke wa gabo a se mo fe moputso wa mediro yagwe.* Modimo mo Gomotše, re lemoga le go ipolela sebe sa go hlakiša bahloki, ka go se ba lefele meputso, le go šomiša batho go ikholeng ga rena. Ka kgopelo ntšha pepeneneng hlakahlakano ka moka le mešomo ya leswiswi mo ditulong tša ditšhelete le tša ikononi. Re thuše go tšweletša maikarabelo a rena go bahloki, bahlolohadi le ditšhiwana. Re ipolela go hloka molao mengwageng yeo e fitilego ya bokgoba le kgatelelo yeo e tšilego ka lebaka la seo se diregago. Ka kgopelo tloša molato wa go se šomi ga botse ka molao, re hlahle go tliša tsošeletšo mo e hlokegago.

Letšatši 27– *Hosea 4:1-3 Hee lena Baisiraele! Kwang lentšu la Morena! Gobane Morena o ne kang le beng ba naga ye, ka go re nageng ye go se therešo, go se botho, go tseba Modimo. Tše di lego gona ke maroga le maaka le polao le bohodu le go oswa. Ba thuba nywako, mme ba hlatlamanya melato ya madi. Molato ke wona woo ge naga e lla, ge baagi ba*

notlega, ge go fela diphoofolo tša nageng le nonyana sebakeng, le dihlahphi tša lewatle. Modimo wa Letago, re a lemoga gape re ipolela molato wa rena wa go hloka tumelo, go se bontšhe lerato, le go se bontšhe hlomphe go wena bjalo ka Modimo. Re ipolela dithogako, maaka, dipolao, go utšwa le bootswa tšeo di robilego kgwerano le Wena gape le batho ba bangwe. Re ipolela go palelwa ga rena go emišana le bosenyi ka lebaka la gore re go hlanogetše le ditsela tša gago.

Letšatši 28 - 2Koronika 6:14 *Gomme a re “Morena Modimo wa Isiraele! Kua magodimong le mono faseng ga go Modimo mokawena, e o botegelago bahlanka ba gago mme wa ba dira ka botho, ge ba phela ba lebane nago ka pelo ka moka.”* Jeremia 31:33 *“Motho a ka se hlwe a ruta wa gabo le ge e le ngwanabo a re: Tseba Morena! Ka gobane ka moka ga bona ba tlo ntseba, ba ba nyenyane le ba bagolo. O realo Morena. Gobane ke tlo ba lebalela molato wa bona, ke se hlwe ke gopola sebe sa bona.”* 1Ba-Korinthe 11:25-26 *Ka mokgwa o bjalo a tšea le senwelo ka morago ga selaleo, a re: Senwelo se ke Kgwerano e mpšša mo mading a ka; dirang bjalo ka mehla ge le se nwa, e be go nkgopola. Ke gona ka mehla ge le eja senkgwa se, le enwa senwelo se, le tsebatše lehu la Morena go fihla ge a etla. Modimo Papa, re tla go wena ka leina la Morena Jesu Kriste mo legatong la batho ba Afrika Borwa, re ya go leboga ka lebaka la gore o Modimo yoo a bolokang kgwerano le mogau go bao ba go latelago ka dipelo tša bona ka moka. Re a leboga gore o dirile gore kgwerano empšša e kgonagale go batho kamoka, ka lebaka la sehlabelo sa Morena Jesu sefapanong. Ka kgopelo ngwala melao ya gago ka gare ga dikgopolo le dipelo tša rena, gore re kgone go latela ditsela tša gago mo nageng ya rena. Re bea dikgopelo tša rena mo ditshepišong tša kgwerano empšša yeo Morena Jesu a re boloketšego yona legatong la rena, ge a be a ineela bjalo ka sehlabelo sa tebalelo ya dibe tša rena.*

(Mohlala wa thapelo eo go swanetšwego gore e rapelwe mo mafelong a dikgwerano tše robilweng, go se dire molao, hlalano le tše dingwe)

Dikgwerano tše di robilwego

Modimo Papa, re a go leboga ka lebaka la Morena Jesu Kriste, yoo a botšego ditsela, gomme ka lebaka la madi a gagwe re na le tokelo ya go tla mo go wena. Re leboga madi a Morena Jesu, Kgwerano empšša le tshepišo ya tebalelo ya dibe. Modimo eo a bolokago dikgwerano, wena yoo a iponagaditšego bjalo ka Elohim, El-Sheddai, Yahweh, Jesu Kriste le Moya o Mokgethwa, re tla pele ga terone ya gago ya mogau ka lebaka la gore rena Ma-Afrika Borwa re hloka thušo ya gago. Re lemoga le go ipolela gore rena mo Afrika Borwa re robile dikgwerano tšeo re di dirilego le wena le tšeo re di dirilego le batho ba bangwe. Re ipolela gore rena bjalo ka setšhaba ga re a phela go ya ka melao le ditaello tša gago. Rena le botatawešo re tlogile

tseleng ya gago, ra dira tšeo di ratagwo ke dipelo tša rena. Ka kgopelo re lebalele.

Dikgwerano tše robelwego le tša ditšhaba: Modimo wa Kgwerano, re ipolela gore Afrika Borwa e na le molato wa go roba dikgwerano ka bo rena. Bophelong bja naga ya rena re dirile ditumellano ka bo rena, empa re ile ra diroba ka maaka le ka tšhollo ya madi. Re ipolela dikgwerano tšeo di robegilego magareng ga setšhaba sa Nguni (Zulu, Swazi le Xhosa); gare ga Ba-Zulu le Ba-Sotho; gare ga Ba-Xhosa, Ba-Zulu, Ba-Khoi le Ba-San; gare ga Ba-Ndebele, Ba-Sotho le Ba-Tswana; gare ga Ba-Zulu le Ba-Shangaan; gare ga Ba-Venda le Ba-Pedi; gare ga Ba-Europa le Ba-Khoi; gare ga Ba-Europa le Ba-Xhosa; gare ga Ma-Voortrekkers le Ba-Zulu; gare ga Ma-British le Ba-Zulu le Ba-Xhosa; gare ga Ma-British le Ma-Afrikaner; gare ga Ma-Afrikaner le merafe e emengwe ya Afrika Borwa, le tše dingwe tšeo o ka ba go o ditseba tše amang badudi ba Afrika Borwa). Re kgopela madi a Morena Jesu gore a phumule dithogako ka moka nageng ka lebaka la go robiwa ga dikgwerano. Ka kgopelo emiša nthokolo ya lehloyo, boitefeletšo le go kwata, tšeo ditlilego ka lebaka la go roba dikgwerano. Tliša phodišo le poelano gare ga dihlopha tša batho. Buša mpho ya poelano mo Afrika Borwa gore re amogelane le go šegofatšana le dinaga tše dingwe tša lefase. Ka kgopelo Morena aga ntlo ya thapelo ya merafe kamoka mo Afrika Borwa, gore re kgone go ema pele ga terone ya gago ka tumellano, gape re kgopela gore thato ya gago e phethege mo Afrika Borwa.

Melao ya go hloka toka: (Ga re a lokela melao ka moka ya go hloka toka mo thapelong e. Ka kgopelo e kwa Moya o Mokgethwa ge o rapelela dilo tše). Modimo Papa, bjalo ka Ma-Afrika Borwa le _____ (morafe wa gago), re ipolela melato ya rena le ya meloko e fiteleng ya molao wa go hloka toka. Re ipolela le go sokologa go melao ya go hlalefetša batho ka maatla ao ba nago le ona, molao wa bokgoba, molao wa ngwadišo ya setšhaba (1950), molao wa manyalo ao a hlakantšhitšwego (1949). Re a ipolela le go sokologa go melao eo e bego e le gona, le yeo e sa lego gona eo e be go e le kgahlanong le batho ba merafe e mengwe, gomme ya dira gore go be le lehloyo le kgethololo mo bathong ba merafe e fapaneng (goswana le molao wa Glen Grey ya 1894). Re a ipolela le go sokologa go melao eo e nyaditšego batho le go ba goboša (goswana le melao eo e phasitšego le Afscheidingsbeleid ya 1846). Re a ipolela le go sokologa go melao eo dirileng gore batho ba seke ba phela gabotse nageng ya bona, le ka tšeo e le go tša bona: Act ya Group Areas (1950), Land Acts (1913) le (1936). Re a ipolela le go sokologa go melao ya anti-Semitic ya kgale le ya bjalo. Re a ipolela le go sokologa go melao yeo e le go kgahlanong le lentšu la Modimo: go dumelela molao wa go ntša dimpa le go dumelela molao wa go beeletša ka tšhelete goba go raloka ka tšhelete. Re a ipolela le go sokologa go melao eo e le go kgahlanong le toka, eo e dirilego gore go be le tšhologo ya madi ao a senago molato (mohlala – molao wa Shaka wa gore go bolawe basadi bao ba imilego

ka morago ga go re mmagwe a hwile). Re a ipolela le go sokologa go melao ya merafe wa _____ bolela morafe wa gago), yeo e le go kgahlanong le lentšu la gago Morena. Re a ipolela le go sokologa go melao yeo e tlošetšeng tshepo yeo batho ba bego ba na le yona mo go wena.

Hlalano: Modimo wena ya Tshepagalang, re a lemoga le go ipolela molato wa rena pele ga gago ka lebaka la hlalano nageng ya rena. Malapa a mantšhi a robegile le maphelo a senyegile ka lebaka la sebe se. Ka kgopelo re swarele mo go se tshepagaleng ga rena mo go bolokeng kgwerano ya lenyalo ye re e dirilego. Re rapelela tsošetšo mo manyalong, kamano e robegilego le malapeng, gape o tliše phodišo go bao ba kwago bohloko. Ka kgopelo re thuše gore re tshepagale, re hlankelane gape re ganetše meleko yeo e tlogo mo tseleng ya rena. Ka kgopelo bušetša bontate bjalo ka baperisita malapeng a bona gape buša bomme le bana ka fase ga polokego ya hlogo ya lelapa.

Go hloka toka: Modimo Papa, re tla pele ga gago go ipolela gore re hloka toka mo nageng ya rena. Re a ipolela gape re a sokologa go dithogako, maaka le go utšwa setšhabeng sa rena. Re a ipolela le go sokologa go hlokeng molao ga setšhaba sa rena. Re a ipolela le go sokologa go ditsela tše dintšhi tšeo di robilego molao wa naga ya rena ka lebaka la go hloka maiswaro, go hloka maikarabelo le go se hlomphe molao. Re a ipolela le go sokologa ka go se ele hloko mafelo a mangwe mo nageng ya rena, ga golo golo bana le batho ba bagolo. Re a ipolela le go sokologa ka go hloka hlomogelo go batho bao ba lwalang le bahloki. Re a ipolela le go sokologa ka go se neele salesome sa rena kamoreng ya gago ya polokelo, gore bahloki ba hlokomelwe gape ba bolokege. Re a ipolela le go sokologa ka go inyakela khumutšo, pele re ka rwala merwalo ya bao ba lego kgauswi le rena. Re kgopela gore o bušetše mahlo a rena re kgone go bona seo o se bonago mo nageng ya rena, gore re kwe pelo ya gago le gore re thuše ka thušo ya gago. Re thuše re be le maikarabelo go bao ba hlokago, re ba fe dijo le diaparog ya ka lentšu la gago. Anke Kereke e be yona e emang bo gatong ba gago mo Afrika Borwa.

Modimo Papa, rena bjalo ka mmele wa gago re nyaka go tšea maikarabelo ka Afrika Borwa, ka go rapelela mmušo, re bolele mo legatong la gago. Ka kgopelo re fe hlohleletšo ya go emela therešo kgahlanong le seo se phošetšego le go bolela kgahlanong le maaka, le go bolelela bao ba gateletšwego. Ka kgopelo lokolla Afrika Borwa go molato wa go hloka toka, dikgwerano tše robilwego le kamano eo e robilwego. Re hlatšwe ka madi a Morena Jesu gape o tliše phodišo le tsošetšo setšhabeng sa rena. Ka kgopelo tloša thogako nageng mme o tsošetše mmu gore o buše o re neele dijo gape. Bolaya bofokodi ka moka le tumelo ya pagan eo e tsenego setšhaba sa rena ka lebaka la dikgwerano tšeo di robilwego. Tliša bophelo mebeleng ya batho ba rena, gape dumelela sefahlego sa gago se

iponagatše, gape se kganye mo go rena ka mogau wa gago. Anke leina la gago le phagamišwe mo Afrika Borwa. Anke re be setšhaba seo se go hlankelago ka boloki. Anke re bitšwe bašegofatšwa, ka lebaka la dilo tšeo dibotse tšeo o di dirago mo go rena. Tšhela moya wa gago mo nageng e, ka lebitšo la Morena Jesu, Moperisita o mo golo.

Khunamelo ya badimo (Letšatši 29-49)

Khunamelo ya badingwana ke sebe kgahlanong le Modimo ka sebele. O swantšha khunamelo e le bofebe. Se ke go khunamela selo se sengwe le sengwe goba motho kantle le Modimo bjalo ka ge a iponagaditše Beibeleng, goba go bea tshepo ya gago go motho ntle le Modimo. Ke sona sebe seo se dirilego gore Modimo a dire molao o latelago go melao e lešome: “O seke wa di khunamela; o se ke wa di direla; ka gobane nna Morena Modimo wa gago ke Modimo yo bogale, e a latago bokgopo bja botatagobana go bana ba bona go fihla molokong wa boraro le wa bone mo go ba ba ntlhoilego” (Ekisoda 20:5).

Modimo wa Beibele o ka godimo ga badimo kamoka bao ba khunamelwago ke batho le ditšhaba. O Kgethegile gape ke Modimo yoo Maatla. O phela kganyeng eo e sa batamelwago. Ga gona le leswiswana le lennyane mo go yena; O hlatšwegile gape o a tshepagala. O a tshepagala gape yena ke nnete lentšung la gagwe, Modimo o lokile. Ke yena Modimo a le nnoši a ke tirilego sehlabelo gore go be le tsela ya gore batho ba mo khunamele. Ke yena Modimo a le nnoši a lefetšego theko legatong la batho, gore a ba šegofatše ka phološo le bophelo bjo bo sa felego. Ke yena Modimo a le nnoši a phelago ka ntle ga nako, sekgoba le hisitore. Ke mathomo gape go bo felo. A ka botega ka maphelo a rena. Mo go yena go na le bophelo, lethabo leo le tletšego, tshepišo ya khumotšo le lerato le ditshepišo kamoka tša kgwerano ya gagwe. O swanetšwe ke go ba Modimo wa lefase kamoka. Ga gona se se ka bapetšwago le yena. O ke nyatšo e ka a kang go khunamela dilo goba batho ba bangwe kantle le yena, go bea badimo ba bamaka maamong a Modimo Mmupi wa dilo ka moka.

Medimo e šele ke selo se sengwe le se sengwe seo se khunamelwang madulong a go khunamela Modimo wa nnete. Nakong tša kgale go be go khunamelwa maswika ao a fišitšwego ka lebaka la gore ba dumela gore maswika a ke diswantšho tša badimo bao ba rumetšwego go tšwa legodimong (go swana le leswika le lentsho leo le khunamelwago kua Kaaba kua Mecca). Diswantsšo tše dingwe ke dipilara tše kgethegileng tšeo di beilwego mafelong a bohlokwa bjalo ka mafelo a digopotšo, le maswika (maswika a hlago ao a khunamelwang bjalo ka badingwana goba maswika ao a emego goba ao a tšerweng go maswika a maholo), le mehlare (mehlare ya Baobab goba dipala tšeo di emego go emela mehlare), letšatši, ngwedi, dinaledi, zodiac, lefelo la segopotšo sa matšoba, diswantšho tšeo di

emetšego meoya e mebe (diphoofolo tša totem ya ditšhaba Afrika, dipheta tša gauta, go ngwalwa mo mmeleng, le tše dingwe).

Khunamelo ya medingwana e tsamaišana le dikgopolo tšeo dilego ka gare ga dipelo tša batho, yeo e lego kgahlanong le lentšu la Modimo (2Ba-Korinthe 10:5). Se se akaretša khunamelo ya motho (mohlala- khunamelo ya mofenyi), go rata dilo di tla mo go wena fela (go rata dilo tša go swarega), go bea tshepo go dilo tšeo o di nagang, go bea bohlokwa ba setšhaba pele go feta Modimo, bodumedi bo bo ganetšago lentšu la Modimo leo le re go: "Gobane ga go leina, le lengwe kantle ga Morena Jesu mo lefaseng leo re swanetšego gore re phološwe ka lona." (Ditiro 4:12)

Modimo o re file ditaello mabapi le khunamelo ya badingwana. O fele taelo gore go se be le motho ya khunamelang diswantšho (Ekisoda 20:4) gape a bolela gore ga re a swanela go mo khunamela ka diswantšho (Ditoronomi 4:16-19), a re, re seke ra bolela leina la medimo e mengwe (Ekisoda 23:13). Modimo o bolela gore re seke ra neela sehlabelo sa dijo go medimo e mengwe (Ekisoda 34:14,15; Ditoronomi 21:25; 1Ba-Korinthe 8:4-13, 1 Ba-Korinthe 10:19-21). Modimo o re lemošitše ka thogako yeo e tla tlogo mo go rena ge re ka tliša medimo e šele malapeng a rena bjalo ka mokgabišo (Ditoronomi 7:25-26). Modimo o rogakile poledišano enngwe le enngwe ya memoya yeo e le go kgahlanong le yena, ga golo me moya ya malopo, maphala le memoya ya go tšeba ka ga bophelo ba motho (Lefitiko 20:6), diswantšho, maleatlana, dingaka le baloyi (Jesaya 19:3, Hezekiele 13:18,23). Sengwe le sengwe seo se dirilweng ka maswika, tšhipi le dikota, ga e be se diretšwe go khunamela medimo e šele e se go Morena Modimo di tšhilafala ka khunamelo ya moya wa diabololo (1 Ba-Korinthe 10:19,20) gape Modimo ga a kgahlwe ke diswantšho tša go swana le tše, bo goneng ba gagwe (Hezekiele 8:9,10).

Ge batho ba rapela medimo e šele ba lahla Morena Modimo. Modimo o bolela ga botse gore batho kamoka bane ba motseba empa ba kgetha go hlankela medimo e šele (Ba-Roma 1). Ge batho ba ganelela ba tšwela pele go se tshepege go Modimo ka go khunamela medimo e šele, Modimo o tloša mogau wa gagwe mo go bona, mme a tliša kahlolo ka dintwa, tlala, malwetše le hloko ya tšhelete. Modimo o be a nyaka gore Baisiraele ba thube dialetare kamoka tša diswantšho tša medimo e šele le ya maaka le mo setšong sa bona (Ditoronomi 12:3). Ka lebaka la gore Isiraele e paletšwe ke go dira bjalo, ba ile ba hlakišwa ke medimo e šele, le naga ya phela ka fase ga thogako ya Modimo (Baahlodi 2:2).

E ngwe ya mehlala ya mathomo moo Modimo a ahlotšego sebopiwa ke mo go Genesi 11, moo batho ba kopanego Babele go itirela leina la bona, ba phatlaletše lefaseng kamoka. Modimo gape o re lemoša gore re se be tshepo ya rena mo di polaneng tša rena goba tša batho (Dipsalme 33:10;

Jesaya 30:1; Jeremia 18:12; Ba-Roma 12:1,2) empa re boele go yena gore a re lemoše.

Thapelo mabapi le khunamelo ya badimo

Letšatši 29 – *Jeremia 2:5* Go bolela Morena: "Bo tataweno ba hweditše bošaedi bofe gonna, ge ba kgaogana le nna, ba yo nkema kgole, ba latela tša lefela, le bona ba ba lefela? *2Bakorinthe 6:17* Tšwang ge moo gare ga bona, le khuduge; o realo Morena, le se sware tšhila." Morena o Modimo wa badimo le Morena wa marena. O Modimo yo maatla, Yo a sa felego, O Moloki. Re amogela le go ipolela gore rena le bo tatawešo ga re a tshepagala, re kgonametše medimo e šele mo nageng ya rena, re go kgopišitše. Re dumelletše dipelo tša rena go gogiwa ke badimo ba dilo tšeo di swaregago, go nyaka dilo tše ntšhi, khomotšo le setšo. Re khunama pele ga gago bjalo ka yo a swanetšwego ke go khunamelwa ke rena. Re tšweleletša maikutlo a rena go tla go wena bjalo ka setšhaba sa gago, go go tseba bjalo ka Modimo. Go ba ka fase ga ditsela tša gago. Ka kgopelo re swarele ka go se tshepege ga rena go wena.

Letšatši 30 – *Jeremia 3:9* Bjale naga e senyetše ka tumo ya bootswa bjoo bja gagwe, ge a itšhilafatša ka medimo ya maswika le dikwata. *2 Dikgoši 17:9-11* : Ba dira bomenetša, ba dira tše di ronago Morena Modimo wa bona, ba itirela mebotlo metseng ka moka ye ba e agilego go tloga ka meraka go iša dibong. Ba itsemela diswantšho le dikokwane mo dithabeng ka moka le mo dihlareng ka moka tše tala. Mebotong ka moka ba iša diorelo, ba etša ditšhaba tše Morena a di rakilego ge ba fihla, b dira dilo tše mpe tša go tsoša kgalefo ya Morena. *Ba-Roma 1:23* Letago la Modimo Mosefetoge, bakeng sa lona ba beile swantšho sa mothomofetile sa nonyana, le sa phoofolo, le sa digagabe. Papa, re ipolela le go lemoga molato wa rena ka lebaka la khunamelo ya medimo e šele mo Afrika Borwa. Re ipolela le go sokologa ka ditulo tše ntšhi moo go nago le diswantšho tša badimo le batho ba bangwe, tšeo di sa phagamesheng leina la gago. Re ipolela le go sokologa ka dipilara tše kgethegileng nageng ya rena, gape le khunamelo ya maswika le mehlare ka ditumelo tšeo di sa bitšego leina la Morena Jesu bjalo ka Mophološi. Ka kgopelo e ba le mogau go rena bjalo ka setšhaba, gape o re lokolle dibeng le pofegong ka madi a Jesu Kriste.

Letšatši 31 – *Jesaya 19:3,4* Baegipita ba tlo hwa dipelo ge ke senya maano a bona; ba tlo botšeša medimo, le ba malopo, le maphala, e didupe. Egipita ke go gafela matsogonga marena a mašoro, ba tlo bušwa ke dikgoši tše sehlogo. O realo Mong a bohle Morena wa mašaba. *1Ba-Koronika 10:13,14* Saulo o hwile a hlanoetše Morena, a ganne go hlokomela e Morena a se boletšego, a ba a nyaka senoge a botšiša sona, a se ke a botšiša Morena. Morena a mo lesa a hwa; bogoši a bo lesa bja fetela go Dafita morwa wa Isai. Modimo Papa, re ipolela sebe sa go botšiša senoge le didupe ka bokamoso

bja rena, go na le gore re botšiše wena, wena Modimo wa Maatla kamoka le Papago Morena Jesu Kriste. Re a sokologa sebeng se re kgopela tshwarelo ka madi a Jesu. Ka kgopelo tsošološa kamano ya rena le wena.

Letšatši 32 – Dipsalme 52:7 "Soo monna eo sebo sa gagwe e bego e se Modimo, e a bego a botile bogolo bja thuo ya gagwe, a retelela mo megabarung ya gagwe." Jesaya 5:8 Kotsi e tlo wela bao ba go ikolela mantlo, ba go amoga ba bangwe mašemo, gwa ba gwa hlokwa temelo, lena la šala le le beng ba naga le nnoši. Luka 12:15 A tsebo bolela le bona a re: phafogang, le ile megabaru; gobane bophelo bja motho ga bo tšwe lehumong le go tše a di ruilego. Bakolose 3:5 Bolayang ge tše dithong tša lena e lego tša lefase, e lego bootswa, le ditšhila, le tumo, le kganyogo e mpe, le megabaru e lego go direla modimo o šele. Papa, re ipolela le go sokologa go dibe tša: go nyaka dilo tše ntšhi di tla go rena le dilo tše diswaregago mo Afrika Borwa. Re a sokologa mo lebakeng la gore ga re a hlokomela badidi, fela re kgobokantšhetše botse go rena. Re a ipolela le go sokologa go lebelela mahumo, gona le gore re lebelele wena gape re ile ra tshepa modingwana wa mahlatše le thaloko ya tšhelete go re tlamela, gona le gore re tshepe wena. Ka kgopelo re swarele gape o re hlatšwe ka madi a Morena Jesu Kriste, Moperisita wa rena o Mogolo.

Letšatši 33 – 1Ba-Koronika 16:26 Gobane ka moka medimo ya ditšhaba e fo ba medimo; ge e le Morena, o dirile magodimo. Modimo Papa, wena o dirilego magodimo, re ipolela le go sokologa dibeng tša go akaretša tša sepolotiki tša naga. Re ipolela gore re ile ra tshepa ditsela tša rena go boloka bokamoso bja rena mo nageng ya rena. Re ipolela gore re tšere hlomphe ya rena bjalo ka Ma-Afrika Borwa le _____ (bolela morafe wa gago) e le bohlokwa go feta mmušo wa gago. Ka kgopelo re swarele ka leina la Jesu.

Letšatši 34 – Lefitiko 19:26 "Le seke la ja se se nago le madi a sona. Le se ke la dira bophala le ge e le bonoge." Ditoronomi 18:10-11 "Go wena go se ke gwa hwetšwa e a išago morwa wa gagwe goba morwedi wa gagwe mollong, le e a dirago tša bonoge le tša maphalo, le e a upago ka meupo le boloi. Go se ke gwa hwetšwa wa malopo, le e a botšišago badimo, le ge e le sedupe, le a nyakago selo bahung." Modimo, re ipolela le go sokologa go dibe tša bophala le bonoge, go upa ka meupo (mohlala: go phoša marapo le go šomiša dikarata), boloi le tše dingwe nageng ya rena. Ka kgopelo re swarele gape o re lokolle bokgobeng bo ka madi a Jesu. Ka kgopelo tliša go ipona molato ka sebe se, go loka le kahlolo ka maatla a Moya wa gago o Mokgethwa.

Letšatši 35 – Ditoronomi 12:2-4 Madulo ka moka a ditšhaba tše le tlogo di raka, mo di direlago medimo ya tšona, mo dithabeng tše telele, le mo mebotong, le mo meriting ya dihlaro tše tala ka moka, le a senyetšeng ruri. Le phušule dialetare tša bona, le robaganye dikokwane tša bona,

*meremedimo ya bona le e fiše, diswantsho tša medimo ya bona le di phšatlaganye, le fediše maina a yona felo fao. Morena Modimo wa lena le se ke lamo direla ka mokgwa woo. Papa Modimo, re ipolela le go sokologa mo go khunameleng **dithaba, mebotu, dinoka, melapo, mawatle** le **sehlakahlake** mo nageng ya rena. Re a sokologa mo go khunameleng maswika le mehlare, re bitša **meoya ya lefase** le **meetse**. Re amogela gore o Modimo wa nnete, le gore ao khunamelwe ka tsela e. Ka kgopelo re swarele gape o re hlatšwe ka madi a Jesu Kriste, Morwa wa gago, o a hwilego sefapanong ka lebaka la rena.*

Letšatši 36 – *Ditoronomi 4:19 “Gore o se emišetše mahlo a gago legodimong, wa bona letšatši goba kgwedi goba dinaledi, makoko ao a legodimo a go timetša wa a khunamela, wa direla ona ao, a Morena Modimo wa gago a a beetšego ditšhaba ka moka tše di lego ka tlase ga legodimo ka mo go fela. Morena Modimo wena o dirilego magodimo, letšatše, ngwedi, dinaledi le dipolanete, re khunama pele ga gago bjalo ka Modimo wa nnete. Re ipolela le go sokologa go khunamela letšatše, ngwedi, dinaledi le dipolanete mo Afrika Borwa. Re sokologa mo go šomišeng mebele eo e bopelwego ke wena go naganela bokamoso bja rena le go laola maphelo a rena. Ka kgopelo re swarele o re lokolle go dilo tše. Ka leina la Morena Jesu re phumula diporofito ka moka tša maka godimo ga maphelo a rena, maphelo a bana ba rena le meloko eo e tlogo. Re rapela gore Moya o Mokgethwa o tliše go ipona molato, boloki le kahlolo nageng ya rena.*

Letšatši 37 – *Hezekiele 23:37: Gobane ba hladile; diatla tša bona di na le madi. Ba hladile ka medimo ya bona, ba ba ba lahla bana ba bona ba ba ba tswaletšego nna, ba ba fiša ka mollo, ya ba dijo tša medimo ya bona.”* Modimo Papa wa batho kamoka, re ipolela le go sokologa tseleng tše dintšhi tša gore bana ba rena ba hlabetšwe badimo ba diokobatši, thobalano, ditumelo tša bosathane le mammon. Ka kgopelo bušetša dipelo tša bontate le bomme go bana, gape o bušetše dipelo tša bana go batswadi. Tsošološa magae mo nageng ya rena gore e be tulo e bolokegilego gape le bana ba kgone go ithuta ditsela tša gago ba kopane le wena.

Letšatši 38 – *Jeremia 14:22: A go ka ba le Monešapula mo go mafelo ao a bantle? A medupe e ka rongwa ke leratadima? A ga se wene Morena Modimo wa rena? Mme rena re botile wene.* Papa re lemoga gore ke wena Modimo o nnoši o a ka re fago pula gape o hlogonolofatše naga ya rena ka boloki. Re bea tshepo ya rena go wena fela. Re ipolela le go sokologa gore go na le badiri ba pula no nageng ya rena. Ka kgopelo re swarele gape o tloše thogako ya ditirelo tše, mo go rena ka leina la Jesu. Tšhela Moya wa gago mo nageng gape o tliše go ipona molato, boloki le kahlolo.

Letšatši 39 – *Ditoronomi 7:25,26: Diswantšho tša medimo ya bona o di fiše ka mollo. O se ke wa kganyoga disilera le digauta tše di lego mo go tšona; ka*

gobane dilo tšeo Morena Modimo wa gago o a di hlaswa. Makgapa ao o se ke wa a tliša nywakong ya gago, gore o sa tlo dirwa segafiwamoka bjalo ka tšona. O di hlaswe, o di nyaletše ruri, ka gobane ke digafiwamoka. Morena Modimo, re ipolela le go sokologa ka go dumella diswantšho tša medimo e mengwe magaeng a rena. Re ipolela le go sokologa ka go dumella megopolo le menagano ya rena e tšhilafatšwa ke diswantšho tša medimo e šele go diyalemoya le telebišene. Ka kgopelo re hlatšwe ka madi a Morena Jesu. Ka leina la Jesu Kriste re ema kgahlanong le hlaselo ya khunamelo ya badimo go diyalemoya le ditelebišene setšhabeng sa rena. Ka kgopelo re lokolle mo dilong tše.

Letšatši 40 – *Jesaya 28:15* *Ge le ka re: re lakane le lehu, re kwane le bodulabahu, la re: Ge go fihla kotlo ya gogola batho, e ka se re fithlele, gobane re khuta ka maaka, re utama ka bofora. Ba-Efeso 5:12,13* *Gobane tše ba di dirago kutamong, le go di bolela go leša dihlong. Gomme tšeo ka moka ge di solwa, di bonegelwa ke seetša; gobane ka moka tše di bonegelwago di tšwela seetšeng.* Modimo Papa wa Bophelo, re ipolela le go sokologa ka lebaka la batho ba sephering bao ba e lego ba swara batho bjalo ka makgoba mo nageng ya rena. Re a rapela gore o tšweletše mediro ya leswiswi gape o lokolle batho ba gago. Re ipolela le go sokologa ka go khunamela Sathane ka ditirelo tša dikoma le tše dingwe. Ka kgopelo re swarele gape o re lokolle go thogako ya lehu ka lebaka la dikano tšeo di dirilwego ke bontšhe ba baetapele ba rena.

Letšatši 41 – *Ditoronomi 18:10: Go wena go se ke gwa hwetšwa e a išago morwa wa gagwe goba morwedi wa gagwe mollong, le e a dirago tša bonoge le tša maphalo, le e a upago ka meupo le boloi.* Modimo Papa, re ipolela le go sokologa ka lebaka la ditirelo tšeo di senago bomodimo ka gare bjalo ka go tsamaya godimo ga mollo le memoya ya go dupella mo nageng ya rena. Re rapela gore o tšhele moya wa gago mo go rena gape o re hlatšwe go ditšhela ka moka. Ka kgopelo tliša go ipona molato go sebe se bathong ba naga ya rena.

Letšatši 40 – *Jesaya 65:3,4* *Ke setšhaba se se bego se lebana le nna ka borumolane, ka didimo tša go išwa mašemong, ba di fiša dibešong tša makokota a a tšhumilwego. Ba ba bego ba itiša mabitleng, ba tsetsa mo go šiiago, ba ja nama ya kolobe, dibjaneng tša bona ba dubela dilo tša ditšhila.* Morena Modimo, re ipolela le go sokologa go bosathaneng kamoka bjo bo lego mo nageng ya rena. Ka kgopelo tšweletša mediro ye ya leswiswi, mme o tliše bao ba swerwego ke sebe se tokologong ya Jesu Kriste.

Letšatši 41 – *Jesaya 5:21* *Kotsi e tlo wela ba ba itshemago ba bohlale, ba re re ne tlišaologanyo. Jeremia 7:24* *Fela, ge lena le ka kwa se ke se bolelago, o realo Morena, la se ke la tsena ka dikgoro le rwele merwalo ka la Sabatha, la kgetha tšatši leo la Sabatha ka go lesa go dira mediro ka lona. Jeremia 17:5*

Morena o re: Molahlegi e tlo ba monna yo a botilego batho, a re atla sa ka ke yona name ye; mme pelo gagwe ya lahla Morena.” Papa re ipolela le go sokologa ka lebaka la gore mo Afrika Borwa re tlušitše mahlo a rena go wena ra bea tshepo ya rena bathong gore phološa. Re be re le bohlale mahlong a rena gomme re lemoga sebe sa rena. Ka kgopelo re swarele ka go dumella go itira batho le ditokelo tša batho go buša dipelo tša rena go na le wena goba ditsela tša gago.

Letšatši 44 – *Ba-Roma 2:23,24* O kgantšha molao, wa tla wa goboša Modimo ka go senya molao. Gobane go ngwadilwe gwa thwe: Ina la ka le hlwa le goboga ka bolena mo go bantle. Morena Modimo, re ipolela le go sokologa bjalo ka kereke ya Afrika Borwa ka lebaka la gore batho ga ba nyake go go latela ka lebaka la gore ga re ya go emela ka swanelo mo lefaseng. Re nyaka go lokiša ditsela tša rena re boele go wena. Ka kgopelo re hlatšwe go ditšhela ka moka le sebe, gape o tloše bobbe go rena go ya ka ditshepišo tša gago.

Letšatši 45 – *Obadya 1:3* O forilwe ke boikgantšho bja pelo ya gago, wena modulamariaba a mantswe. Wa re o agile kua tletlolo, mo pelong ya gago wa re: Ke mang a kago ntheolela fase? El-Shaddai, Modimo ya Godimo, re ipolela le go sokologa boikgokgomošong bjo re nago le bjona bjalo ka Ma-Afrika Borwa, goer re ikgokgomoša ka gobeng setšhaba sa go etapele naga gore e tšwele pele, botse botse go sena seo re ka ikgokgomotšang ka sona. Re ipolela gore a gona seo re ka ikgokgomošang ka sona. Re ao hloka gore o be Modimo wa rena. Ka kgopelo re swarele ka tshepo eo re be lego le yona ya maaka le go tshepa dilo le ditsela tša rena. Re buše kamanong ya gago le rena.

Letšatši 46 – *Hezikiel 16:49* Tsebang, bokgopo bja Sodoma ngwaneno e be le e le boikgogomošo le bohori; le ge a iketlile gagolo le metsana ya gagwe, o be a sa thuše badiidi le bahloki. Papa, re ipolela gore ga rea hlokomela boemo bjo bo befilego bja badidi le bahloki, ka gobane bontšhi ba rena re ae ikgogomoša, go ikgotsofatša, le go phela ka bohuming le go ithabiša. Ka kgopelo re swarele ka go se lemoge dihloko tše di lego kgauswi le rena. Re fe pelo ya go swana le ya gago ka badidi le bahloki gore re tle re kgone go ba thuša.

Letšatši 47 – *Dipsalme 106:6,8*: Re sentše, rena le botatawešo, re molato, re dirile bobbe. Le ge go le bjalo wa fela o ba namolela ka baka la leina la gago, le gore o bonatše maatla a gago. Modimo Papa, re ema ditshepišong tša kgwerano ya gago yeo o e dirilego lentšung la gago. Re lemogela gore re dirile sebe, bjalo ka ge botatawešo ba dirile, gomme re a sokologa mo bobeng bja rena. Ka kgopelo re phološe ka baka le leina la gago. Ka kgopelo retološa sefahlego sa gago o bonegele Afrika Borwa, o tsošološe mogau wa gago mo go rena.

Letšatši 48 – *Jesaya 8:19* *Bjale ge ba ka re: Botšišang ba medimo, le ba maphala le didupe! Le tlo re “A setšhaba ga se botšiše Modimo wa sona? A fa bahu ba ka botšišwa ditaba tša ba ba phelago?* Modimo Papa, re ema pele ga terone ya gago lehono, go nyakišeša ka Modimo yo a phelago. Ka kgopelo re butše se wena o se ratago ka naga e le batho ba yona. Re nyaka go latela ditsela tša gago le ka mokgwa wo re swanetšego go phela ka wona. Tloša thogako ya go khunamela medimo e šele. Boela Afrika Borwa o bonagatše bogona ba gago gore lefase ka bophara le bone gore go na le Modimo mo Afrika Borwa.

Letšatši 49 – *Dipsalme 33:12* *Setšhaba sa lehlogonolo ke se Morena e lego Modimo wa sona, se a ikgethetšego sona ya ba leruo la gagwe.* Re khunama ka mangwele pele ga Papa wa Morena wa rena Jesu Kriste. Re dumela go wena, re ipolela gore re tlo khunamela wena fela. Re e pea ka fase ga gago bjalo ka setšhaba, re go mema gore o be Modimo wa Afrika Borwa. Ka kgopelo gopola kgwerano ya gago ka Jesu Kriste gape dumelela madi a Jesu Kriste aletareng legodimong go bolela legatong la rena. Ka kgopelo gopola Afrika Borwa go ya ka tshepišo ya gago go Lefitiko 26:40-42. Ka kgopelo itla o fodiše naga ya rena, itla o dire Afrika Borwa tulo ya gago ya go dula. Tšhela moya wa gago mo nageng e, leina la gago a le retwe mo nageng.

(Mohlala wa dithapelo tše di rapelwago mafelong a khunamelo ya badimo)

Khunamelo ya Badimo

Modimo Papa, wena o iponagaditšego go batho ba gago Baisiraele bjalo la Yahweh gape yo a filego leina la Morena Jesu bjalo ka leina le legodimong le lefaseng leo le phološago le go bušetša segwera sa batho le Modimo, re a khunama pele ga terone ya gago. Re ipolela gore ke wena Modimo wa nnete o le tee yo a phelago, gape a gona modimo o mongwe kantle le wena. Ke wena o le tee o lego Mohlodi wa dilo kamoka legodimong le lefaseng. O Kgethegile, Modimo yo Maatla, pele ga gago matolo kamoka a ya khunama, melomo yohle e ya bolela gore Jesu Kriste ke Morena. Re lemoga wena bjalo ka Modimo wa rena, re ineela ka fase ga gago le ditsela tša gago.

Re leboga madi a Jesu Kriste ao a bolelago legodimong mabapi le kgwerano empša. Re bitša Jesu Kriste bjalo ka Moperisita yo Mogolo le Moemedi yo a rapelang bogatong bja Afrika Borwa. Bjalo ka Ma-Afrika Borwa re lemoga molato wa rena mabapi le khunamelo ya badimo setšhabeng sa rena. Re ipolela le go sokologa mafapeng a mantšhi a khunamelo ya badimo tšeo botatawešo le rena re di dirilego. Re llela kotlwelo bohloko ya gago le kgopelo ya go swarelwa ka leina la Morena Jesu Kriste. Re a itshola ka go go lahla le

go khunamela badimo ba bangwe. Ka kgopelo re swarele gape o rotološe sefahlego sa gago gape go kganya mo Afrika Borwa.

Re ipolela le go sokologa mo go khunameleng mammon ka dilo tše di swaregago, go nyaka dilo tše ntšhi le thaloko ya tšhelete. Re ipolela le go sokologa mo go khunameleng Satane le lehu ka dilo tše di fihlagetšego. Re ipololela le go sokologa mo go khunameleng _____ (bulela badimo bao ba khunamelwago tulong ya lena, mohlala : Nonqumbulwane, Mujaji, Du (moya a pula ya elang), Heitse Ebib, Isanusi, Tokoloshe, batho ba kgale, Jah-Bul-On, Mwari, kwena, tlou, le tše dingwe). Re ipolela le go sokologa mo go khunameleng maswika, mehlare, dithaba, mmoto, molapo, moedi, dinoka le mawatle. Re ipolela le go sokologa mo go khunameleng digopotšo tša lehu, digopotšo tša badimo ba Baroma le Bagerika, medimo ya dintwa le digopotša tša bafenyi mo hisitoring ya rena. Re ipolela le go sokologa go diswantšho tša medingwane e mengwe ye re e dumeletšego magaeng a rena, dikerekeng le meagong ya setšhaba. Re ipolela le go sokologa mo go šomišeng ditšhopo tša ditumelo dišele ditoropong, metseng le meagong ya rena. Re ipolela le go sokologa mo go khunameleng letšatši, ngwedi, dinaledi le dipolanete ka go šomiša didupe le tše dingwe. Re ipolela le go sokologa ka mekgwa ye mentšhi ye baswa ba rena ba gogetšwego tirelong ya bosathane le ditirelo tše dingwe.

Re ipolela le go sokologa ka ditsela tše dintšhi tša kopano le meoya e mebe ka maphala, dingaka, baloyi, meboya ya go hlahla, dilo tše mpe tše di boletšwego, digateledi, mmimo, meropa le tše dingwe. Re ipolela le go sokologa go boloyi, maleatlana setšhabeng sa rena. Re ipolela le go sokologa ka ditsela tše fapaneng tša boporofita ba maaka, mohlala: go lahlwa ga marapo, dikarata tša go balwa, go balwa ga mopalama, dihoroscope le tše dingwe. Re ipolela le go sokologa ka go bolela dilo tše mpe le dithogako bathong ba bangwe, merafe e mengwe le dinaga tše dingwe. Re a rapela gore o phumole dilo tše mpe tše le dithogako ka madi a Jesu Kriste gape o robe maatla a tšona. Re ipolela le go sokologa mo meletlong yeo e butšego mabati gore ditirelo tše di le go kgahlanong le Modimo di tsene setšhabeng sa rena. Re ipolela le go sokologa go botaki boo bo sa hlomphego leina la gago. Re ipolela le go sokologa go ditirelo tša setšo tše di leng kgahlanong le lentšu la gago (bolela enngwe le enngwe ya ditirilo tše, mohlala: go sepela godimo ga mollo, go dira pula, le tše dingwe). Re ipolela le go sokologa go dikgatong tša ditšo le ditumelo tša rena (bolela dikgato tša ditšo, mohlala: dinoga le batho ba kgale (badimo) le tše dingwe. Re ipolela le go sokologa ka go swenyega kudu ka ditumelo tša rena go feta wena Morena le ditsela tša gago. Re ipolela le go sokologa ka go šomiša lentšu la gago go bontšha go loka ga khunamelo ya rena go setšo sa rena. Re ipolela le go sokologa go ditsela tše fapaneng tša go senya molaetša wa Morena Jesu le Moya o Mokgethwa ka ditumelo tša setšo.

Re ipolela le go sokologa go khunamelo ya motho, botho le ditokelo tša batho. Re ipolela gore re be re le ba bohlae mahlong a rena gape re šomiša ditsela tša rena go išireletša seo re lego sona bjalo ka batho. Re ipolela gore re khunametše naga ya rena Afrika Borwa ka go e rata go feta wena le go rata setšhaba go feta wena. Re ipolela le go sokologa ka go ikhunamela rena ka bo rena ka go iketla le go ba le dilo tše swaregago, re sa hlokomeli badidi le bahloki. Re ipolela le go sokologa ka go ikgogomoša, le go se be le taba le batho ba bangwe dipelong tša rena.

Morena Modimo, re ipolele gore bo tatawešo le rena re ile kgole le wena gape re tlogetše ditsela tša gago. Re a sokologa gape re boela morago go wena. Re nyaka go latela wena le ditsela tša gago. Re amogela gore ditsela tša gago dibotse gape di re iša phološong le tsošološong. Re rapela gore o re swarele ka madi a Jesu Kriste. Ka kgopelo phumula thogako ya lebaka la go khunamela badimo setšhabeng sa rena ka madi a Jesu Kriste. Ka kgopelo e ba le mogau gape o tloše kahlolo ya malwetše setšhabeng sa rena. Ka kgopelo tliša phodišo go bao ba swerwego ke Aids, malaria, cholera, kankere le malwetši a mangwe ka baka la sebe. Ka kgopelo kgoma naga gore, e boele e direle ba swerwego ke tlala dijo. Ka kgopelo tsošeletša ikonomi ya rena gore batho mo Afrika Borwa ba hlokomelwe. Ka kgopelo bona mathata a badidi setšhabeng sa rena, mme o robe bokgoka bja go hloka, bjo bo tlilego ka baka la khunamelo ya badimo. Ka leina la Jesu Kriste re kwalela mabati a ditiro tše di lego kgahlanong le Modimo, bosathane, ditumelo tša setšo, ditumelo tša ba bohlabela, le ditumelo tše dingwe tše di sa boleleng gore Jesu Kriste ke Morena bjalo ka Mophološe. Papa, ka kgopelo tšhela Moya wa gago ka maatla a tsošeletšo nageng e. Tliša tsogo dipelong tša kereke ya gago gore ka nnete re kgone go ba banyadiwa ba gago. Ka kgopelo emiša Ntlo ya Thapelo ka Moya wa gago, eo e tla bitšago leina la gago mosegare le bošego nageng e. AMEN

Go gafela lefase go Morena Jesu

Letšatši 50. Letšatši la thapelo ya setšhaba, toropo goba badudi.

Thapelo ya go Neela

O Morena Modimo, Papa go Jesu Kriste, ga go Modimo e mongwe legodimong godimo goba lefaseng mo fase ya swanago le Wena, wena ya bolokang kgwerano ya gago le mogau le bahlanka ba gago ba sepelago pele ga gago ka dipelo tša bona ka moka. O buša godimo ga mebušo ya ditšhaba, gape letsogong la gago go na le maatla. Ke moo re pele ga gago lehono bjalo ka baemedi ba kereke ya gago mo Afrika Borwa, ka leina la Jesu Kriste yo a re hwetšego sefapanong. Re ikokobetša pele ga bokgoši ba gago. Re lemoga gore ga go motho goba setšhaba seo se senago molato pele ga gago, bjalo ka ge re rapetše le go ipolela ra sokologa go melato ya rena bjalo

ka setšhaba. O tshepišitše tshwarelo ka madi a Jesu Kriste go Luka 24:46,47, bjale re amogela tshwarelo ka mogau le kutlwelo bohloko ya gago. Re tla ka sebete pele ga terone ya gago maemong a setšhaba sa rena. Re a rapela, O Papa, ga lentšu le o le boletšego e be nnete – rekwe legodimong gape sefahlego sa gago se bonagele setšhaba se. Re neela naga ya rena le setšhaba kamoka go wena. Re go mema gore o tle o dule le rena. Ka kgopelo fetolela dipelo tša rena go wena le kgwerano ya gago le rena, ka Jesu Kriste. Re dire gore re tsamaye ditseleng tša gago le ka melao ya gago, gape o re šireletše kgahlanong le maano a Sathane. Tliša phodišo, poelano le tsošetšo go Afrika Borwa gape o tšhele Moya wa gago wa Bokgethwa le Nnete go rena. AMEN

Thapelo ya go Lokolla Mpho ya Tokollo ya Afrika Borwa – efangedi go ditšhaba

Morena Jesu Kriste, o tsepišitše barutiwa ba gagwe (le rena) gore ba tla hwetša maatla ge Moya o Mokgethwa o tla godimo ga bona, go ba dihlatse go fihla magomong a lefase. Re kgopela gore o tšhele moya wa gago go rena, le go fa Kereke ya Afrika Borwa maatla le tokelo ya go rera efangedi ya gago ditšhabeng re ba dire barutwana ba gago. Re rapela gore o kgonthišiše lentšu la gago go ya tshepišo ya gago go Mareka 16:16-18. Ka kgopelo ntšha babereki mo Afrika Borwa go ya punong. Re fe tokelo ya gago re rute ditšhaba lentšu la gago le melao ya gago le go tliša phodišo le tokollo go ya ka Mateo 28:18. Ka leina la Jesu Kriste re bula dikgoro tša Afrika, re lukišetše tsela ya batho ka go sokologa, re aga tsela e kgolo le go tloša maswika le dilo tše di thibelago. Re emišetša folaga godimo legakeng la batho: LEINA LA MORENA JESU KRISTE – YAHWEH NISSI

Boitukišetšo bja Thapelo ya Dihlopha le Mafelo a Thapelo

Re nagana gore go thomiwe dihlophana tša go rapelela dibe tša badula mmogo le rona go na le gore motho yo mongwe le e mongwe a e thapelele. Go ka ba gabotse ge dihlopha tša dikereke tše fapanago le dihlopha tša ditšhaba tše fapanago di ka kopana ka morero o. Ge go sena dihlopha tše phelago, o se dumelele se se go nyamiša go rapela le go nyaka Modimo ka sebele. Re nagana gore dihlopha tše o tša thapelo di etele mafelo ao bosenyi bo diragalago le mafelong ao go diragetšeng bosenyi, go na le go rapela gae gobe kerekeng. Lebaka la se, ke gore re bone setšhaba ka mahlo a Modimo le go kgopela Modimo go o goga gore o rapele ka maikutlo a kutlwelo bohloko, o kwa pelo bohloko, monkgo le medumo ya lefelo leo. Se se go fa sebaka sa go rapelela batho bao ba phelang lefelong leo o ba bona ka nama.

Dikeletšo tša dikopano tša dihlopha tša thapelo

- Dira gore le rapele ka bonako le hlakane gatee ka beke.
- Ka nako ya kopano le fetše iri e tee le roriše le go tumiša Modimo, ka dikopelo le dithapelo. Šumiša iri e nngwe go kwa lentšu la Morena ka lefelo la lona, toropo goba motsetoropo, le kgopele Modimo gore a le utulelle seo le swanetšego go se rapelela. Rapelang gore dilo tše o di iphihlilego di bonagale (Jeremia 33:3; Ditoronomi 29:29; Jakobo 1:5).
- Boloka puku ya thapelo. Ngwala mangwalo, dipono, ditoro goba diporofito tše o le di amogetšego. Bolelang ka tšona dikopanong tša lena. Boloka tše o di kwišišago. Go bohlokwa go hlola meboya. **O seke wa tšea kgato ka selo se sengwe le se sengwe se o se amogelago, sa mathomo hlola lentšu la Modimo gape le ba rapedi ba bangwe.**
- Thoma go bala kuranta ya mutsana, o theeletše ditaba tša naga. Dula o butši mahlo le ditsebe tša gago o thome go rapelela dilo tše o di bonang le tše o dikwang. Kgopela Modimo gore a go utulele medu ya dienywa tša moya (hlalano, bohlokofatši, bosenyi, le tše dingwe) mo tikologong ya lena.
- Etela ditulo tše o bosenyi bo diregilego gona o kgopele Modimo a go utulele seo pelo ya gagwe e se bonago se lebane le wena.
- Ithapelele ka mehla boitukišetšo bja gago go tšeeng karolo Dipsalme 51; Daniel 9:1-9; Nehemia 1:9; Baefeso 1:17-23;3:9-21;6:10-20; Bafilipi 2:3-18
- Hlokomedišiša gore dihlopha tša go rapela di se ke tša hlola makgotla a lesebo empa rapelelang dilo tše o di diragalago le kgopele Modimo gore a hutetše batho bao gaoswe le yena.
- Ge dibe tša setšhaba le šumane le tšona, kgopelang Modimo gore a hlatšwa megopolo le dikgopolo. Tiišeletša go Morena e se go sebeng.
- O seke wa butša mang kapa mang ka seo Modimo a go utulelang thapelong ya gago. Eba le sephiri ka ditaba tše o di amago batho ba bangwe (mohlala: batho bao ba šomišago diokobatši bošaedi). Ge

Modimo a go tshepa ka ditaba tše, O go tshepa gore o ka ema gare ga modimo le setshaba, e sego go ba hlokofatša le go bafediša. Ga ebe Modimo a ahlolago.

Dithapelo mafelong a bosenyi:

Gopola gore lebaka la go rapela mafelong a bosenyi ke go tliša kwelo bohloko ka gare ga dipelo tša rena ka seo sebe se se direlego go rona le go Modimo. Go ba le diphetogo ge re rapelela mafelong a bosenyi go feta ge re rapelela gae. **Gopola gore re ntweng ya semoya. Re lwa le meoya ye fofago mo sebakeng. Re ka fediša moago kapa tše dingwe ge fela ele tša rena goba re amogetše tumelelo ya baholo ba moago. Ka tsetsenyo ye re tliša tshokologo ya batho go Modimo. Ga re mo bosenyng. Re šumana le sebe sa setšhaba sa rena. Ga re tšee meoya kapa matla ago a bušang sebakeng fela re tloša matla a meoya ye ka go sokologa. O seke wa tsenela ntwaga ya semoya ka nako ya tshokologo, Modimo o tla re bontšha ge nako ya seo e fihlile.**

- Humana mafelo ao bosenyi bo diragetšego gona kgahlanong le Modimo ka go šumiša dipotšišo ka morago ga puku.
- Etela mafelo a thapelo pele, o hlole tolo eo. Nyakišiša gore ke batho ba bakae bao ba dumeletšweng go tsena, tefo ya go tsena lefelong leo, ke dikgonagalo dife tša go rapelela lefelo leo. O seke wa nyama ge o se wa dumelelwa go rapelela lefelong leo (mohlala: ditempele tša medingwana), humana lefelo kgauswi o rapelele moo.
- Mafelo a mangwe a bolegile go baeng goba batumiši, bjalo hlokomedišiša batho ba bangwe lefelong leo. Swara mafelo a thapelo le batho ba dulang fao ka hlompho. O seke wa senya diphahlo tša moo.
- Rapelela tšhireletšo ya Morena go wena le go dihlopha, lelapa la gago, bagwera le kereke pele o ka etela mafelo a go rapela. Hlokomela gore o šomane le sebe se o se tsebang bophelong ba gago, pele o ka tšea maekarabelo a go rapelela dibe tša batho ba o dulago le bona motseng.
- Ge go kgonega, dihlopha tša thapelo dibe le batho ba merafe e fapaneng e elego gona tolong ya lona. Ge se se sa kgonagale, tsebiša baagi bagolo ba ditoropo tša kgauswi bao ba nago le barapedi go tšwa merafeng e fapaneng.
- Taba ya tshokologo e magareng ga rena le Modimo, ge Modimo a go etela pele gore o bolele tshokologo go merafe e mengwe, tšwela pele o rapelele poelano eo e tseneletšego. O seke wa tšea kgato ka tiragalo yeo. Ge batho ba se fao ka dipelo tša bona, seo e tla ba go bontšha maekotlo a bona fela, mme ga go seo se ka fetogang semoyeng. Modimo ga se a lebelelela seo re se bolelago goba seo re se dirago, empa o lebelelela dipelo tša rena. O tseba gabotse seo re se naganago le seo re se kwago. Go kaone ge o ka lemoga go palelwa ga gago go boelana, ntle le go leka go fodiša dintho tše di tseneletšego.

- Ka letšatši leo o tšeago sehlopha go ya go rapela mafelong a bosenyi, e tukiše se moyeng ka go tšea nako o tumiša le go ema Moreneng pele le rapela. Se se ka dirwa gae goba mafelong a kopanelo. Dikoša tša tumišo di ka ba tše mmalwa le thapelo. Selo se se golo ke tshokologo, bjalo iphe nako e ntšhi ya go tsena boteng bja Morena pele o thoma ka dithapelo tša tshokologo. Mohlala wa dithapelo o o filwego pukwaneng ye e dio ba dikeletšo fela, e seke ya šalwa morago bjalo o kare ke molao. Dumelela Moya o Mokgethwa gore a go hlahle ka tsela eo a nyakago o rapela ka yona. O seke wa kitimela mafelong a thapelo. Tšea nako go hlola meoya le go emela Modimo.
- Ngwala fase sengwe le sengwe seo se diragalago mafelong a thapelo gore o dule le segopotšo.
- Ka ge se ele selo seo re šomago le sona semoeng, ga go a swanela gore go hlabiwe mashata. Ga re a swanela gore re dire mashata gore Modimo a re kwe. Go bohlokwa go ela hloko maloko a mangwe a sehlopha sa gago, le go dumelela Moya o Mokgethwa go le hlahla gore le be le moya o tee. Efa leloko le lengwe le lengwe nako ya go rapela le go theeletša Modimo. Le Morapedi o a senago tsebo ka tša borapedi a ka hwetša lentšu le letšwago go Modimo. Bana ba swanetšwe go amogelwa go tla go rapela le batswadi mo mafelong a thapelo, empa kgonthišiša gore ba na le pono etee le lena ka le baka la gore go kaba le mathata.
- E ba le hlokomelo ge o tšea kgato ya go bolela seporofeto. Tšhomišo ya difolaga e bohlokwa, e tliša moya wa khunamelo, e fela e na le matla a hlago ka ga re ga yona. Hlohloletšo enngwe le enngwe ya semoya e tla tšwa go Modimo ka sebele. A go na selo se o se šomišago go se porofeto se nago le hlohloletšo ya maleatlala. O seke wa šomiša dilo tša go swana le makhura, letswai, le tše dingwe, ka ntle le ge sehlopha se dumelelana ka yona. Thapelo ya tshokologo e bohlokwa kudu ge le le ko lefelong la thapelo.
- Mantšu ka moka a seporofeto a swanetšwe go išwa go moetapele, pele a botšwa batho ka moka. Ka kgopelo e la hloko mantšu ka moka. Ka gore ga se dikutullo ka moka tše di tšwago go Modimo. Hlola gore lentšu la Modimo le dumelelana le mantšu a seporofeto.
- Ge o kwa o hlohleletšwa ke moya le badirisani ba gago ba go thekga, le dire selalelo lefelong leo goba gae. Le seke la šomiša selalelo bjalo ka maleatlala, tseba gore ke segopotšo sa go tsošeletša kgwerano le Modimo ka lebaka la Morena Jesu.
- O seke wa tšea dikgato tše di le go kgahlanong le molao, ka le baka la gore o le Mokreste, mo tulong eo goba toropong.
- Šomiša lentšu la Modimu ge o rapela , o bolele lentšu la Modimo godimo ga naga ya lona.
- Hlokomela gore go hloka kutlwano mo sehlopheng go phumula goba go tloša mafolofolo a go rapela. Dirang ka matla go lokiša mathata ka bonolo, mogau le ka dihloganyo tše di godileng. Go bohlokwa go ba le nako mothapelong pele mošomo o tšwela pele. Tsela enngwe ya sathane ke go

thibela ba Kriste gore ba seke ba rapela ba le pelo etee. Re hlohloletša gore batho kamoka mo sehlopheng ba be le boikemišetšo bja go ba le hlomphe go motho e mongwe le e mongwe le boikokobetšo momošomong. Ge boikokobetšo bo oketšega le bopelo tee bo a gola. Ge tirišano mmogo e ba gona, go ba le maatla mo thapelong.

JERICHO WALLS INTERNATIONAL PRAYER NETWORK
PRIVATE BAG X22
LYNWOOD RIDGE
0040
SOUTH AFRICA

Tel: +27 12 365 3213

Fax: +27 12 365 3214

Email: info@jwipn.com

Website: www.jwipn.com